



M3.00

MARA

HA A SE NA LIHLOELA A OELA

Registered at the GPO as a non-profit making newspaper



Leboho le ikhethileng pg9



Poloko ea Khotso Afrika bochabela pg33

LITHETHEFATSE LI BAPALA BANA LIKOLONG TSA LESOTHO Pg8



Bophelo ba hau pg23

"Bophelo ba ka le mosali oa ka e ne e le lihele". -Pg16

Basali ba tetekoang ba hana ho qosa banna ba bona -pg 15



Liponono tsa Mara pg4

Bahlophisi

Mohlophisi

Captain Tanki Josias Mothae

Baqolotsi ba ka Sehloohong

WOII Selebalo Peter Sebe
WOII Ntele Emmanuel Masoetsa

Baqolotsi

Cpl Boitseko James Molapo
Pte Thabiso Edgar Rajane
Pte Rapele Mphaki
Pte Ntlele Ntoi
Pte Sakeng Lekola
Pte Tankiso Nkoho
Pte Tšepo Phaila
Pte Shokhoa Taeli
Pte Jese Hulane
Pte Serame Posholi

Litšoantšo

LDF Photography Section

Boelets

Dr Lebohang Lejakane
LL Productions Media
Consultancy (Pty) Ltd
P O Box 9561
Maseru. 100
Tel: (09266) 335949

Marketing and Advertising

MARA
P.O. Box 54
Maseru 100
Lesotho
Tel: (09266) 326080
Fax: (09266) 310351
KAPA
Lenka selo
(09266) 8775063

E tekuae ke ba

Lesotho Business Services
Development House,
Kingsway, Maseru
Tel: (09266) 323963/4/7
Fax: (09266) 310081
E-Mail: lbs@quadrant.co.ls



Tse ka kotleng

Tse tloalehileng

Bohlophisi	Pg 3
Tsa bolumeli Sesoleng sa Lesotho	Pg 3
Liponono tsa <i>MARA</i>	Pg 4
Pale ea bophelo ba Brig. Khololikane Sebjoe	Pg 6
Litšoantšo tsa liketsahalo	Pg20-21

Litaba ka botebo

Lithethefatse li bapala bana likolong tsa Lesotho	Pg 8
Basali ba tetekoang ba hana ho qosa banna ba bona	Pg 15
“Bophelo ba ka le mosali oa ka e ne e le lihele”	Pg 16

LDF e hlomela ka seroala-nkhoana se secha	Pg 5
Koetliso e nepahetseng ea sesole e tla tliša	
botsitso ka har'a naha	Pg 9
Ha se ka sethunya feela re ka ts'ireletsang sechaba	Pg 10
ISDSC e rarolle mathata a ts'ireletso SADC	Pg 12
Mahao o toloka molao oa sesole	Pg 18

Sekhutloana sa tsa Bophelo

Lefu la HIV/AIDS le hloa mekoalaba Lesotho	Pg 22
Lefu la tsoekere (Diabetes) ke eng?	Pg 23

Lipapatso

Litaba tsa basali

Basali ba Basotho ka Fetola T'sobotsi ea Lipolotiki.	Pg 36
--	-------

Likhutloana

Ke li bona tjena	Pg 8
Seabo sa mabotho a hlometseng pusong ea sechaba ka sechaba	Pg 13
Maikutlo a ka holima kutloiso ea molao	Pg 19
Lesotho le nka karolo boikoetlisong ba poloko ea khotso Tanzania	Pg 33

Lipapali

LDF FC e Hapa Sejana Lekhetlo la Boraro	Pg 38
---	-------

Tlatsetsong pusong ea sechaba ka sechaba: Sesole sa Lesotho se fetola sebopeliso.

Sebopeliso, taelo le boikarabello ba bopeliso ba leboho la naha la Lesotho (LDF) li hloka hore le be ka holimo ho mekha ea lipolotiki. Ruri sebete sa mabotho a hlometseng se bonoa ka botebo ba boitokisetso ts'ireletsong ea molao o moholo oa naha- Molao oa Motheo.

Ke nako joale hore re furalle likarohano le ho hloka chebelo-pele tse re baketseng nalane e mpe mabaleng a lipolotiki ho tloha ka mor'a boipuso. Khafetsa re lumelletse maikutlo a rona hore khelosa le ho re tataisetsa litabatabellong tsa rona re siea tsa sechaba morao.

E re ka ha sesole ele sa sechaba, se lokela ho bonoa se sebeletsa sechaba sohle e seng lequloana le itseng. E bang ho se joalo, se ka bea letheba boleng ba sona 'me se nyenyefatse boemo ba sona.

Ha naha e oetsoe ke likoluo joaloka mahloa a bonya-o-eme, haholo-holo ka maloting, sesole se lokela hoba keta-pele mat'solong a thibelo likoluoeng. Ke ts'ebetsong ena e bokhabane moo lits'iea tsa puso ea sechaba ka sechaba li totobatsoang. Ke taba e tsebahalang hantle hore tsoelo-pele e ka ba teng feela moo khutso, khotso le botsitso li renang.

Nakong ena eo naha e atamelang likhethong tse akaretsang tse tlang ho ts'oaroa isao, sesole se lebeletsoe hoba malala-a-laotsoe ho etsa bonnete ba hore likhetho li tsamaisoa ka mofuthu le ts'ireletseho eohle. Hantle batho ba bangata ba tla phethahatsa tokelo ea bona ea ho khetha ha feela ba kholiseheli hore ts'ireletso e teng.

Litho tsa lefapha la liphatlalatso tsa sesole sa Lesotho, li tsamaile liphutheho tse ngata tsa komisi e ikemetseng ea likhetho hoba sehlohlolong sa litaba le merero ea komisi. Khokahanong tsena, sesole se hlokomelisa boikarabello ba sona ho atlehisa likhetho tse tlang. ■

Tsa bolumeli Sesoleng sa Lesotho



Ka Major
Thabo V. Mohapi

Na Molimo o teng? Sena ke seo batho ba bangata ba ipotsang sona. Ha re ke re fumaneng hore na Bebele e reng ka litaba tsena.

Pesalema 53 temana 1 le 2 li baleha tjena:

"Ka pelong sethoto se re: "Ha ho na Molimo' Liketso tsa bona li bolile, lia nyonyeha, ha ho le ea mong ea etsang tse ntle".

Moko-taba:- Karabelo potsong ena ke hore e, Molimo o teng. Ke Morena Molimo o matla ohle. Ke Morena Molimo le natat'a morena oa rona Jesu Krete. Ke Morena Molimo 'Mopi oa lefat'se le tsohle.

Batho ba bangata, le ba ipotsang ba-Krete, ba latola boteng ba Molimo, 'me ba etsa sena ka mabaka a mangata. Hona le ba mpang ba sa lumele, le ba fapanyang matla a popo le mahlale a tlhohleho, 'me ho na le bao e reng ha ba utloile bohloko ba koenehelang lerato la Molimo.

Moapostola Johanne o supa taba ena lengolong la hae, o ngola tjena ka Jesu:

"Lentsoe le ne le le ho Molimo ts'imolohong. Lintho tsohle li bile teng ka lona, 'me ha ho letho le bileng teng ha e se ka lona".

Nka mantsoe ana me o nahane ka botebo seo a se bolelang.

Haeba Molimo ha a eo, me eba tlhohleho ke eona e ikarabellang boteng ba lefats'e, ke mang ea laolang tlhohleho. Haeba Molimo ha a eo, ke mang ea ts'elisang le ho hlomolla lipelo tse robehileng.

Ha u bona maphelo a batho a fetohile tjena, merero ea bona le bokamoso ba bona bo hlokomelile; ha u makatsoe ke botle ba tlhohleho le mehlolo ea lefats'e; 'me ha pelo ea hau e futhumala ke liketso tsa lerato, mohau le tlhohleho, ke mang, 'me mang kantle ho Molimo Ntate ea lerato, ea ikarabellang mehleng ee?

E, Molimo o teng; o ne a le teng khale, o teng hona joale 'me o tla 'ne a be teng ka bosafeleng.

Amen

Molimo a le hlohonolofatse. ■


Liponono tsa **MARA**



▲ Bulelwa September oa Borokhoaneng, o lilemo li 22. O rata ho bala, ho shebella T.V ekasita le ho tebuka.



◀ 'Malekanyane Lekanyane oa Mapoteng. O lilemo li 22. O rata ho bapala Volley Ball, ho bala le ho mamela seea-le-moea.



◀ Ntsimane Mahase oa Khubetsoana, o lilemo li 22. O bala libuka, o mamela 'mino. O labalabela ho ba mohlhisi oa lits'oants'o (Film)



◀ Sebopelo Makoloane oa Borokhoaneng. Ke moithuti ebile ke motebuki ka linako tse itseng. O lilemo li 21. O mamela 'mino, ho tebuka le ho shebella T.V

HA EBA U KA THABELA HO KENELA TLHOLISANO ENA, ROMELA SETŠOANTŠO SA HAU HO MOHLOPHISI OA MARA. P.O. BOX 54, MASERU 100, LESOTHO MOHLOMONG U KA BA MOHLOLI!

LDF e hlomela ka seroala-nkhoana se secha



Ka Pte
Tšepo Phaila

Mookameli oa khamphani ea lifofane tsa liroa-nkhoana (Eurocopter) Afrika Boroa Monghali Guenter Wissmann o ile a nehelana ka seroala-nkhoana sa pele ho tse

pele tse rekiloeng ke sesole sa Lesotho khoeling e fetileng.

Ha a nehelana ka sefofane sena Monghali Wissmann o itse sefofane sena ke moetso o mocha oa lifofane tsa tseo sesole se li rekileng. O itse tsena li ntlafalitsoe hore li lokele linaha tse



Mong. Guenter oa Eurocopter (South Africa) o lebohela mookameli oa sesole sa Lesotho Lt. Gen. A.M. Mosakeng ka seroalangkhoana se secha.



Mookameli oa sesole sa Lesotho, Lt Gen A M Mosakeng o amohela seroala-nkhoana se secha sa sesole sa Lesotho ho Mong. Guinter Wissman oa Eurocopter, Lanseria Afrika Boroa. Sets'onts'o ka:- WOII S.M. Petje

phahameng joalo ka Lesotho. O boetse a thoholetsa bafofisi le ba lokisi ba lifofane tsa sesole sa Lesotho ka boiphihlelo boo ba bo bonts'itseng ts'oarong ea lifofane, bo pakiloeng ke lifofane tse peli tse n'tsitsoeng t' sebetsong ea sesole.

"Ha re aba le likamano bolokising feela le sesole sa Lesotho, empa re boetse ra ba le likamano tsa botho kaha re 'nile ra ba koetlisetsa bafofisi le balokisi ba lifofane 'me ke motlotlo ho phatlalatsa kajeno hore haholo letho le thunthetsang likamano tsena", ke Monghali Wissmann eo.

O boetse a utulla hore sefofane sa bobeli

se tla nehelana sesoleng sa Lesotho lebaleng la lifofane Mejametalana hamorao khoeling ena.

Ha a bua ketsahalong e ts'oanang, Molaoli oa sesole sa Lesotho Lt Gen Makhula Mosakeng o itse ketsahalo ena ke ea bohlokoa nalaneng ea sesole sa Lesotho le Khamphani ea Eurocopter ka maqhama a tsona ho tloha esale Lesotho le fumana seroala-nkhoana sa pele sa moetso oa BO105 CBS.

"Sefofane sena se bont'soa ke litsebi se ts'epahala haholo 'me se ekelitsoe matla ho sebetsa libakeng tse phahameng, se bile se laetse

haholo. Bokhoni ba sefofane sena bo supa ele letsete ho sesole se tla se sebelisa ka katleho mesebetsing ea sona", a rialo.

O tsoetse pele a re sefofane sena ke letsete la bohlokoa ho sesole esita le ho Basotho ka kakaretso. Gen Mosakeng a bont'sa hore sefofane sena se tla sebelisoa mesebetsing ea naha e kang ho thibela bosholu meeling ea Lesotho, poloko ea molao esita le ho pholosa batho ba litsietsing.

"Theko ea sefofane sena e ile ea kenyetsa koetliso ea bafofisi le balokisi ba sona litsing tsa Eurocopter tse linaheng tsa Germany le Canada ka tatellano", a rialo.

Sajene Motsei Khabele ele e mong oa balokisi ba tsoang koetlisong ea sefofane sena naheng ea Canada o itse sefofane sena se matla 'me se lebelo haholo ha se bapisoa le tsane tse rekisitsoeng.

O boetse a bont'sa hore sefofane sena se ahiloe ka tsela e ntlafetseng haholo. O bont'sitse hore sefofane sena seka nka boima ba 2600 kg 'me se ka haka boima ba 200kg.

"Sefofane sena se na le mabone a bont'sang hohle moo phoso e ka bang teng sefofaneng" o liheletse joalo. ■

Pale ea bophelo ba Brig. Khololikane Sebajoe



Ka
Pte Ntšele Ntoi

Joale kaha eka maikemisetso e ne e bile ho fetola t'sobotsi ea liofisi tsa 'muso, lit'soants'o tsa lihlooho tsa naha le 'muso ka ofising ea meralo ea sesole sa Lesotho li likanyelitsoe ke lits'oants'o tsa libetsa tsa sejoale-joale, mats'oao a seaparo sa mabotho a manyesemane le sets'oants'o sa setsi sa thupelo sa sesole sa India se Dehractim.

Ofisi e kholo ea sesole e li hulang nthau ofising ena ke Ramabotho LDF, Brigadier Khololikane Sebajoe (54).

"Boikarabello ba mantlha ba ofisi ea heso ke ho thusa molaoli oa sesole ho hlophisa mesebetsi eohle ea t'sireletso ea naha, baahi le litsi tsa bohlokoa".

"Tsena li akaretsa thomello ea mabotho meeling le libakeng tse ling tsa bohlokoa joaloka lehae la Botlotlohi, la Tona-Khoho, Se-ee-le-moea, telefishine le litora tsa khaso, ho tea mohlala", ho hlalosa Brig Sebajoe.

Brig Sebajoe o hlahetse Mpharane Ha Phala, seterekeng sa Mohale's Hoek. O ile a sebetsa le kalaneng la poso sebakeng seo sa habo pele a kena sesoleng sa Lesotho se neng se tsebahala joaleka Police Mobile Unit (PMU) ka 'Mesa, 1970.

"Ha ele hantle nka be ke ne ke kene sesoleng ka 1967 empa ka bomali-mabe boemo ba leholimo bo ne bo thisise leeto la ka la ho ea itlaleha sekolong sa koetliso ea sepolesa (PTC) mane Maseru ka nako selemong seo. Ka letsatsi leo re neng re lebeletsoe ho itlaleha koetlisong, lipula tsa melubela li ile tsa tlatsa linoka, 'me ka hona ka lokela ho ema matsatsi a le mabeli moo hae. Ho latela kamoo Manyesemane a neng a le sekolong seo a neng a le bohale ka teng ke ne ke be le maikutlo a hore a ke ke a nkamohela ha ke fihla ka mora'o ho nako e

baliloeng", ke eena eo ka ho belaela.

Leha ho le joalo tabatabelo ea hae ea ho kenya letsoho botsitsong le polokong ea khotso ka hara naha ena e ile ea mo susumeletsa ho ea leka lehlohonolo hape mathoasong a selemo sa 1970. O ile a atleha lekhetlong leo.



Brigade Commander, Brig
Khololikane Philip Sebajoe. Sets'oants'o
ka:- L/Cpl P Samatla

"Hantle-ntle ha esale ke rata bophelo ba bosole ho tloha kholong ea ka", a rialo. Ka morao ho koetliso ea hae ea motheo, Brig Sebajoe o ile a sebetsa mafapheng a fapakaneng ka hara sesole ho akaretsa le hoba sehlopheng sa t'sireletso ea ba boholong pusong.

Boit'soaro ba hae bo botle le boikitlahetso bo babatsehang t'sebetsong bo ile ba mo putsa ka phahamiso boemong ba ts'ebetso kapele. O ile a phahamisetsa boemong ba Sergeant ka 1978.

Hang ka mora'o ho moo Brig

Sebajoe o ile a nka khato ea ho ntlafatsa boemo ba thuto ea hae. O ile a kena sekolo sa bosiu sekolong se phahameng se neng se sa tsoa theoa ka hara sesole.

"Lenaneo la thupelo ea rona le ne le simolla hang ka mora'o hore re phethele ts'ebetso ea rona ea letsatsi ka leng. Re ne re qhoba joalo ho isa ha hora ea borobeli e fetile ka metsotso e mashome a mararo shoalane e kholo.

"Hoseng ka le hlahlamang motho o ne a lebeletsoe ho qala ts'ebetso a hloekile, a le makhethe ka hohle-hohle, e seng ka mokhoa o mong", ke Brig eo ha a hopola tsa mehla eo.

Brig Sebajoe o re seo e ne ese ntho e bobebe ho hang. O ntsa a khots'e neoa ea mesuoe le mesuetsana ea hae bo 'Me Dorothy Molefe, Ntate Harebatho Hlalele le ba bang bohle ba ileng ba sebetsa ka boitelo ho mo chabisetsa leseli la thuto.

Ho tloha moo Brig Sebajoe o ile a kenela lithupelo tse ikhethang tsa sesole tlaasa botataisi ba sehlopha sa bakoetlisi ba Manyesemane (BATT). Ho tsona re ka qoholla koetliso ho tsa bolaoli ba mabotho maemong a fapakaneng ka ho ikhetha. Ho feta moo a boela a koetlisoa ke Ma-Israel boemong boo ba bolaoli ba mabotho.

"Ke ile ka boela ka kenela thupelo boemong bo tsoetseng pele ho tsa boutloela ba sesole mane Pretoria, Afrika Boroa ka 1991", ke Brig Sebajoe eo.

Brig Sebajoe o ile a 'na phahamisoa maemong a ts'ebetso joalo ho fihlela e-ba Major ka Phupu, 1991. Ke moo

Sebajoe

li tsoa qhepheng la 6

a ileng a khetheloa hoba molaoli oa lebotho le neng le le bitsoa H-Company ka nako eo. O bile moo ho fihlela ka 1995.

"Ka mora'oa ho moo ke ile ka ba mookameli lefapheng la tsamaiso sepetleleng sa sesole Makoanyane (MMH). Ke moo ke ileng ka thulana le e 'ngoe ea liphephetso tse kholo paleng ea t'sebetso ea ka sesoleng sena sa Lesotho.

"Baoki sepetleleng seo ba ne ba sa khotsofalle meputso le litsiane tsa bona. Ba ne ba e-na le maikutlo a hore ba a sekisetsoa papisong le bo-mphato'a bona litsing tse ling tsa bophelo. Lits'ebeletso li ile tsa thefuleha ha ba bang ba bona ba pepesa boits'oaro bo sa amoheleng ts'ebetsong ena", e boetse ke eena eo ka ho belaela ho hoholo.

Brig Sebajoe o ile a nka mehato e matla ho tlisa maemo tlaasa taolo. "Ke ile ka tlameha ho ba hopotsa hore ke masole; etsoe ba ile ba nka kano ea bots'epehi tlaasa molao oa tsamaiso oa sesole sena", a rialo.

Ramabotho o re o na le ts'epo ka bokamoso bo chabileng ba LDF. "Hona le phetoho e bonahalang ruri tsamaisong ea sesole sena haajoale. Bohle ba ikobela molao, 'me re le balaoli re na le taolo e feletseng holima ts'ebeliso ea libetsa tsa sesole sena. Batho ha ba sa bona banna ba ntseng ba e-ea holimo le tlaase ba hlometse hoqeta, empa ho se mabaka a utloahalang a hore ebe ba ka mokhoa oo", ke eena eo a toboketsa ntlha eo ka matla.



Enoa ke Brig. Sebajoe ha e sa le mohlankana. O bonoa mona a lutse pela sebapala-'mino se majaba-jaba sa mehla eo. Pic: Courtesy of M.T.RAMAKATANE

O ile a thatiselletsa ntlha eo ka hore kajeno sechaba sa Basotho se ea ellelloa hore LDF ha se sesole sa mokha ofe kapa ofe oa lipolotiki.

"Sesole sena ke sa naha; ha se thepa ea motho", ke eena eo.

Brig Sebajoe boemong ba hae ele Ramabotho e bile karolo ea moifo oa bo-ralitherisano o ileng oa romeloa mane India ho ea etsa litlhophiso tsa ho romeloa ha sehlopha sa bakoetlisi ba sesole sa naha ea India (IATT) ho tla rupella mabotho a Lesotho.

"Ka morao hore BATT e tsoe ka hare ho naha re ile ra lula faat'se, 'me

ra shebisana hore na se ka etsoang ke se fe ho tsoelosa boiphihlelo ka har'a sesole sa Lesotho. Re ile ra fihlela qeto ea ho fereha sechaba se hole se se nang litabatabelo tse itseng koano Lesotho.

"India ebile khetho e ntle ntlheng ena. Ke ka hona ba leng teng koano kajeno", ke eena eo ka pososelo e kholo.

Ramabotho ha a na tabatabelo ea hoba qhoku ea mara a Lesotho ea ka moso. "Ke tla thabela ho ea phomolong ha nako ea ea t'sebetso e fihla pheletsong. U tla ellelloa hore re na le leano la ho rala sesole sena bocha ho tloha boholong ho isa boemong bo tlaase. Ka hona e kaba bohlae ho fana ka sebaka ho baokameli ba sa leng sehlahlo ts'ebetsong ho isa sesole sena moo",

"Ke motlotlo ka tema eo ke e khathileng ho tlisa tsoelopele ka hara sesole sena. Ha ke na ho emela motsotso oo ka ona nka tsohang ke hatile ka lebacha. Ke fela ke labalabela ho ea phomolong ha nako ea ka e fihla", ke eena eo ka ho tsitlalla.

Brig Sebajoe o ts'episa hore leha a se a le phomolong o tla 'ne a be le hona ho etsa letsoho la monna ha khomo e oetse ka sesoleng haeba ho hloka hala. Mara



Season's Greetings

ARE YOU PLANNING TO SEND
Xmas Greeting cards, calendars and corporate gifts
TO YOUR CLIENTS AND FRIENDS?

- ✓ NOW, IT'S CHEAPER,
- ✓ THERE'S TIME FOR CHOICE
- ✓ PROMPT DELIVERY
- ✓ BEST QUALITY
- ✓ CUSTOMIZED E.T.C

For more information contact us at:

 **Lesotho Business Services**
Tel: 323963/4/7

DEVELOPMENT HOUSE: SHOP 10, KINGSWAY MASERU

Fax us your order to 310081

Greetings

Season's Greetings

2002
Calendar

Lithethefatse li bapala bana likolong tsa Lesotho



Ka WO II
Ntele Masoetsa

Naha ea Lesotho e kene tsietsing e kholo ea t'sebeliso e mpe ea lithethefatsi, haholo likolong moo baithuti ba

bonahalang ba ikakhetse ka setotsoana bomalimabeng bona. Ruri taba ena e se e t'soentse barupeli ba thuto, batsoali ekasita le batho ba boithatelo bo botle ho loant'sa boemo bona bo hlobaetsang.

Evelyn Tsime (*), e ne ele moithuti sekolong se phahameng sa 'Mabathoana motse-moholo Maseru, ha a oeloa ke bomalimabe ba khahlamelo ea t'sebeliso ea lithethefatsi, 'me sena se etsahetse nakong'eo a reng a itokesetsa ho ngola lengolo la foromo ea boraro (Form III).

Ngoananyana enoa o boletse hore o hlokometse hore baithuti ba lilemo tse lipakeng tsa leshome le metso e mene le mashome a mabeli ba bonahala ba kentse letsoho bomalimabeng bona, "Boemo bona bo boetse bo bonahala ele bo bong ba mabaka a ekelitseng litlolo tsa molao ka hara naha", a rialo Evelyn.

Evelyn o boletse hore o ne a khaoletsoe ke mosuo-hloho oa sekolo ka 1999 serapeng sa lijalo tsa sekolo a ena le motsoalle e mong oa hae Thabo, moo ba neng ba neheletsana ho hong ka mokhoa o belaeatsang.

Ba ile ba biletsoa ofising ea mosuo hloho moo ba ileng ba fumanoa ke sethethefatsi se bitsoang anabolic steroid, se tsebahalang ka ho eketsa matla 'meleng haholo ho batho ba lipapali tsa lipapali tsa mefuta ekabo mabelo, bolo ea maoto, le tse ling.

Evelyn o boletse hore sepolesa se

ile sa bitsoa hang me ba t'soaraa, baba ba hlaha kapele ho makhotla a molao moo ba ileng ba ahloleloa ho hoehla lilemo tse peli chankaneng.

Moroetsana enoa o boletse hore, ho kena chankaneng ho mo rutila t'sabo

"Ha ho na motho ea re hlokomelising u tla morao tsa lithethefatsi ka ha batsoali le oona mesuoe e ikakhetse ka setotsoana ts'ebelisong ea lithethefatsi."

ea litlolo tsa molao, "Batsoali le barupeli ba rona ba etsa litlolo tse ahang eona ea tsebeliso ea lithethefatsi, 'me ke tsoengoa ke hore ha ho motho ea bonahalang a iteletse ho thusa bacha ho lesa tloaelo ena e malimabe", a rialo Evelyn ka mesarelo e meholo.

Moroetsana Tsime o boletse hore o

Thabo o ne a mo bolelle hore, ha a re a sebelise sethethefatsi seo, o re a fumana keketseho ea matla 'meleng oa hae a re Evelyn, ea neng a bapala bolo ea matsoho, o re a lakatsa ho bapala haholo hofeta kamoo a fuoeng ka teng.

O boletse hore, kamor'a ho tsoa chankaneng, o re a se a sa amohelehe sechabeng sa habo, le hoja a ne a bolela hore o ne a sa sebelise sethethefatsi seo, empa o ile a oeloa ke bomalimabe boo feela.

"Ke ile ka furalloa ke batsoali le sechaba sa tikoloho ea heso ka ho ba tlisetsa sekhobo seo se se kaalo me ruri ke ne ke batle ke itlosa sechabeng ka ho ipolaea", a rialo Evelyn likeleli li keketetla sefahlehong sa hae.

Mooki Mofumahali, "Mamojaki Thoso oa setsi sa toants'o ea lithethefatsi sepetlele sa Scott Morija, o boletse hore setsi sa habo se t'soanyehile haholo ke boemo boo baithuti ba sebelisang lithethefatsi kateng.

Mofumahali Thoso o boletse hore, e 'ngoe ea mabaka a keketseho ea



Ke hobaneng ha bana baa ba likolo ba fetolaa liphofu tsa lithethefatsi? Sets'oants'o ka:- Pte G.M. Maputla

re a makala haholo ke ho bona kamoo Thabo a neng a bapala bolo ea maoto kateng, o boletse hore

tsebeliso e mpe ea lithethefatsi, ke kamoo li fumanehang ka bobebe ka

Koetliso e nepahetseng ea sesole e tla tliša botsitso ka har'a naha



Ka Pte
Sakeng Lekola

Molaoli kakaretso oa sesole sa Lesotho (LDF) Lieutenant General Makhula Mosakeng o itse boikoetliso ba sesole ke ona feela mokhoa o ka bopang khotso le botsitso ka hara naha.

Ha a bula thupelo ea leboho le ikhethileng (commando) e eteletsoeng pele ke bakoetlisi ba Sesole sa India (IATT) motebong oa sesole Makoanyane, Molaoli oa mabotho o ipilelitse ho ba kenetseng thupelo ho ikamahanya le melao le melaoana e tsamaisang LDF

sheba qhephe la 10

lithethefatsi

li tsoa qhephe la 8

teng, "Le mafapha a shebaneng le poloko ea molao, le oona a iphumana a ts'oarane ka matla a maholo ho fenya sera sa sechaba", a rialo Mofumahali Thoso.

Moki enoa o boletse hore ts'ebeliso ena e bonahala e jele setsi metseng e litoropong e leng moo boholo ba lintho li etsahalang teng, me moo bophelo ba sejoale-joale bo bonahalang bo tsoela-pele ka sekahla se matla. "Ke ts'oanelo hore 'muso o etse melao e matla khahlanong le ketso ena e malimabe", a rialo Mofumahali Thoso.

E mong oa bao e reng ele mahlatsipa a lithethefatsi, Tsepo Rachoboko o boletse hore o re a iphumane a sebelisa sethethefatsi sa mantrax ha a ne a aa bona lipapaling tsa lits'oant'iso li etsa liponts'o tse makatsang ruri kamorao ho li sebelisa.

Ts'epo o boletse hore o ile a ts'oaroa ke sepolesa se ikhakantseng ha se ne se fumane menyenyetsi ea hore ho na le moahi oa Afrika Boroa a mosoeu ea neng a hoeba ka lithethefatsi lipakeng tsa naha ea habo le Lesotho.

"Motho enoa o ile a nkatamela ka lentsoe le mofuthu ka hore ke mo thuse ho rekisa ebe hamorao ke fumane mat'selisonyana a chelete", a rialo T'sepo. "Ka bomalimabe ra ts'oaroa le eena, ra qosoa



Mookameli of sesole sa Lesotho Lt Gen A M Mosakeng (ea apereng jesi e maroboko) o mametse ka hloko puo ea moeletse oa ts'ireletso oa sesole sa India Brig Gen J. Singh koetlisong ea li-commando motebong oa sesole Makoanyane.

ra ea chankaneng, lilemo tse peli. T'sepo o boletse hore o se a hlabolotsoe me le eena o se a thusa batho ba bokhobeng ba lithethefatsi.

Ofisiri ea mananeo a thibelo ea ts'ebeliso ea lithethefatsi, setsing sa toants'o ea bokhoba ba lithethefatsi Thaba Bosiu Blue Cross, Mofumahali Mphonyane Mofokeng, o boletse hore ts'ebiliso e foshetseng ea lithethefatsi o bonahala hape baneng ba likolo tse phahameng (High Schools).

A bolela hore boemo bona bo tsoetse ho se fetele pele hoa bana lithutong; 'Me Mofokeng a bolela

"Motho enoa o ile a nkatamela ka lentsoe le mofuthu ka hore ke mo thuse ho rekisa ebe hamorao ke fumane mat'selisonyana a chelete"

hore taka ena e utloisa bohloko haholo hobane batsoali ba bang ba bonahala ba sa nke likhato tse matla tsa ho eellisoa bacha ka kotsi le li tla morao tsa ba bang tsa ts'ebeliso ea lithethefatsi.

"Re le setsi re etsa boipiletso bo matla ba hore batsoali, mesuoe le batho bohle ba boithatelo bo botle

ho nka marumo le lithebe ho loants'a boemo bona", a rialo 'Me Mofokeng.

'M'e Mofokeng o boletse hape hore setsi ha se fane ka meriana empa se fana ka lithuto tsa tlhabollo ho batho ba anngoeng ke bothata bona, me eena o bona khatelo pele e bonahala haholo.

A bolela hore lithupelo tse joalo li nanabeletsoa mekhatlo ea bacha, marena, makhotla a ntlafatso a metse, lingaka tsa moetlo ka ho epa liphutheho tsa kafetsa ele ho ba beha sehlohlolong sa litaba ka liphetohe tse bonahalang setsing moo li supa hore ho tloha ka Pherekhong 1997 ho isa Ts'itoe 2000, se ile sa amohela bakuli ba 168, ba 34 ba amohela hape setsing. 'Me ba 166 e ne ele batho ba batona ha ba 35 e ne ele ba bat'sehali, ha lilemo tsa kakaretso ea bakuli ba na re ele lipakeng tsa mashome a mabeli le a mararo.

Me Mofokeng o ile a qetella ka ho bont'sa hore boholo ba bakuli ba tsoa motse-moholo Maseru le literekeng tse ling ntle le Mokhotlong le Qacha's Nek ele hobane libaka tseo li le hoel le setsi; "Bakuli ba na ba iphumana ba tla setsing sena se seng kahara naha, ele hobane se se na litsi tse joalo kantle ho se Maseru", a theta litaba tsa hae joalo 'Me Mofokeng.

Koetliso e nepalietseng ...

li tsoa qhepheng la 9

eseng litaba tsa motho ea sa tsebeng letho ka sesole.

O bont'sitse hore ha thupelo eo e fela bakoetlisuoa ba tla itumela ka tsebo le mahlale ao ba a fumaneng koetlisong 'me hoo ho tla etsa mosebetsi oa letsatsi ka leng bobebe. O itse ba se ikhabe ka mesebetsi empa ba o kopanele.

Molaoli o ts'episitse IATT hore masole a hae a tla sebetsa ka thata. "Ba sebelitse ka thata le nakong tsa ho feta", o itsalo. O hlalositse hore ho tla ba le lebotho le ikhethileng LDF 'me ka hona ho tla ba le likoetliso tse ling tsa mofuta oo.

Moeletsi oa t'sireletso LDF Brigadier

Jasbir Signh o itse koetliso e tla nka libeke tse robeli. "Libeke tse 'ne tsa pele e tla ba tsa boikoetliso ba 'mele le kelello, tse setseng e tla ba tsa ts'ireletso ea bahlomphehi (VIP), thibelo ea koetelo (anti-hijack), pholoso ea ba koetsetsoeng le tse ling tse ngata.

Moeletsi oa ts'ireletso o bont'sitse hore mabotho a ikhethileng ke ona mekokotlo ea sesole lefatseng lohle. "Ba bont'sa seriti sa sesole sechabeng", o rialo.

O boletse ba kenetseng thupelo hore thupelo e tla nyolosetsa empa e tla fihla qetellong. "Letsatsi ha le ile la chaba le tla likela", o itsalo.

Molaoli lefapheng la koetliso la LDF, Majoro Kopano Thoola o bont'sitse

hore LDF e motlotlo ho fumana koetliso e joalo e bile ele ea pele ea mofuta oo. "Thupelo e tla ba boima me bashanyana ba tla hlokoleha banneng", o boletse bakoetlisuoa.

E mong oa bakoetlisuoa Second Lieutenant Chere Makhetha o bont'sitse hore ha ho na ntho e thata haele feela e etsoa ke motho. "Lesole le tlamehile ho ithophela ho atleha", a rialo.

Ofisiri e laolang lefapha la koetliso la sesole sa Lesotho Captain Posa Stemere o itse bohle ba kenetseng thupelo ba ithaopile. Ho ea ka Captain Stemere ke masole a 47 a kenetseng thupelo ho tloha boemong ba Second Lieutenant ho isa boemong ba Private. "Boholo ba bona ke batho ba lilemo li ka tlase ho 35", o itsalo.

Ha se ka sethunya feela re ka ts'ireletsang sechaba

Ka WO II Ntele Masoetsa

Letona ofising ea Tona-Kholo Mohlomphehi Sephiri Motanyane o re, 'muso oa Lesotho o ts'ehetsa ka botlalo hore sesole sa naha se koetlisoe 'me se fihlele boemo ba machaba, 'me sena se ka fihleloa le ho phethahatsoa ka meralo le maano a lokelang.

Mohlomphehi Motanyane o ne a bua tjena ha a ne a bula ka molao seboka se holima likamano tsa sesole le sechaba ntlokholo ea liboka tsa sechaba Maseru ka la 20 Phato 2001.

O ile a bolela hore sesole se lokela ho koetlisoa ka mafapha a sona a fapakaneng, ele ho se chorisa ho fihlele boemo ba machaba. "Ts'ebetso ea mantlha ea sesole ke ho sireletsa Molao oa Motheo, thepa le sechaba sa Basotho", a rialo Monghali Motanyane.

Lebitsong la moemeli oa America Lesotho, e bile Monghali Daniel P.



Ke karolo ea ba neng ba le teng phuthehong ea likamano tsa sesole le sechaba. (ho tloha ho le letšehali) Capt. M. Lefa, Capt. T. Mothae le Lieut. M. Mohlahatsa. Setšoantšo ka:- Pte T P Kharafu

"Ts'ebetso ea mantlha ea sesole ke ho sireletsa Molao oa Motheo, thepa le sechaba sa Basotho"

Bellgarde ea boletseng hore naha ea habo e laba-labela ho bona Lesotho le kene ts'ebelisanong le katlehisong

ea leano la puso ea sechaba ka sechaba.

Monghali Bellgarde o boletse hore Basotho ba lokela ho bona hore puso ea sechaba ka sechaba e nanabeletsoa le ho utloisoa ke bohle hore mosotho e mong le e mong a be



2/Lt 'Mole Kumalo

Ke li bona tjena

Lefats'e ka bophara esale sesole se nkuoa ele e 'ngoe ea mafapha a bohlokoa haholo a 'muso, haholo hobane e se e fetohile tloaelo hore mebuso e lokise mathata a eona ka sethunya ho fapana le ho ts'epa lingoliloeng le maselinyana.

Le ha ho le joalo, ha esale ho thehoa mokhatlo oa machaba a kopaneng kamora ntoa ea bobeli ea lefats'e ka 1945 esale ho etsoa liteko tsa ho haha le ho boloka khotso hohle lefats'eng ho sebelisoa matsapa ohle, haholo ho ka qolloa lebotho la khotso la machaba a kopaneng. Mekhoa e mengata e fapaneng e 'nile ea sebelisoa, 'me ho eona re ka supa lipuisano, likotlo qobello tsa moruo le phokotso ea libetsa tse kotsi.

Ho ntse ho entsoe liteko tse joalo tsa ho qoba ntoa kapa hona ho haha khotso Afrika, motho o iphumana a tlameha ho fihlela qeto ea hore ha ho katleho e fihletsoeng. Qeto ena motho o qetella a e etsa ka lebaka la mathata a aparetseng Afrika a lintoa tse sa eeng moriting ekasitana le khoholeho ea lirafshoang tsa eona, h a h o l o - h o l o basebetsi le lihloiloeng.

Lesotho le ts'epetsoe mosebetsi oa ho boloka ts'ireletso le ho haha khotso hloahloeng ena ea Afrika e ka Boroa. Boikarabello bona bo hloka likelello tse hlakileng tsa bohle ba nang le kobo ea bohali litabeng tsena ka sepheo sa ho lokisa Afrika.

Ke nako joale ea hore rona Maafrika re

ithukhubetse ka setotsoana ntoeng ea ho felisa mathata ana ao tikoloho ena e shebaneng le ona, kapa mohlomong e be Afrika e lokela ho iphumana e kopa thuso ho hlaha ka ntle ho seka-seka tlokotsi ena eo eleng hara eona.

Maikutlo a ka tabeng ena a ts'ehetsoa ke puo e mona e reng...."nama ea monna e mong ke chefo ea monna e mong". Kantle le hore Maafrika a ikitlaelletse ho its'ebeletsa mathata a bona, e tla be esale e le bothata ba kob'a khomo ho lokisa litaba, hobane ho emelo hore mathata a hloellane holimo.

Tutuluhali ena ea taba eo Lesotho le fuoeng boikarabello ba eona e hloka boitlhompho, 'me e seng mahlong a sechaba fela, empa ekasitana le

m a c h a b e n g , kahoo 'muso oa Lesotho o hloka ho sebelisa malebaleba le matsapa a ithlhomphileng, ao hara ona re ka qollang ts'ebeliso ea sesole se hlahlohetsoeng se bile se ena le boiphihlelo. Litekong tsa ho fihlela sena, sesole sa Lesotho se ts'oere lithupelo bakeng sa basebetsi 'me li

tsamaisoa ke sesole sa India (IATT).

IATT ena e tsebahala ka ts'ebetso e tsoileng matsoho, boit'soaro le matla a makatsang lefat'se ho pota. T'sepo ke hore sesole sa Lesotho ha se na ho fihlela boitlhompho mahlong a machaba fela, empa e tla ba sesole se nang le boiphihlelo seo Basotho ba tlang ho ikotla sefuba ka sona.

Sesole se na le ...

li tsoa qhepheng la 10

le lentsoe litabeng tse amang puso ea naha ea habo.

Liofisiri tse mashome a mane tsa sesole sa Lesotho li ne li nkile karolo sebokeng sena, ha baemeli ba makala a mang a 'muso, mekhatlo ea bacha, mekhatlo e ikemetseng, batlalehi ba litaba esiata le baetapele ba lipolotiki ba bohanyetsi le bona ba ne ba memilo.

Sepheo sa seboka e ne ele ho hlahlobisisa ka botebo kamoo mekhatlo e ikemetseng, sesole baetsi ba melao, ekasitana le mafapha ohle a sechaba a ka kenyang letsoho tharollong ea mathata a amanang le ts'ireletso ea naha.

Lieutenant Sekake Ramoseeka oa sesole sa Lesotho o boletse hore o kotutse tse molemo sebokeng seo, "ke fumane keketso ea malebela, 'me ruri ke motlotlo haholo ho

"Ke takatso ea ka ho bona sesole le sechaba ba kopana khafetsa ho arolelana maikutlo litabeng tsa ts'ireletso".

iphumana ke e ba le monyetla oa ho ithuta ho ba karolo ea ba ts'epetsoeng tharollo ea nako e telele ea mathata a naha ea heso", ke Lt Ramoseka eo.

Seboka sena se ne se ts'ehelitsoe ka lichelete ke 'muso oa Amerika ka boemeli ba oona ba Lesotho le ka litsebi tse peli e leng Colonel Eugene Michael Mensch (ea seng a le phomolong) oa setsi sa likamano tsa sesole le sechaba sa sesole sa metsing sa Amerika le Ngaka Letitia Lauson ea rutang lithuto tsa moruo esita le litaba tsa Africa lebatooeng la California, Amerika.

Seboka se na ke sa boraro ha tse ling li ne li tsoaroe ka lilemo tsa 1995 le 1998.

ISDSC e rarolle mathata a ts'ireletso SADC

Ka Pte. Tšepo Phaila

Letona ofising ea Tona-Kholo Mohlomphehi Sephiri Motanyane o kopile baetapele ba tikoloho eka boroa ho Afrika (SADC) ho fumana mekhoa ea ho hlola mathata a ts'ireletso le botsitso tikolohong ena ele taba eka sehlohong.

O buile tsena ha a bula ka molao seboka sa komiti ea ts'ireletso le botsitso (ISDSC) ea tikoloho e ka Boroa ho Afrika a holima tokomane ea ts'ireletso ea linaha tsa SADC le kopano ea linaha tsena lipolotiking, Ts'ireletsehong le botsitso e neng e ts'oaretsoe Maseru haufinyane.

Letona le itse linaha tse ling tsa tikoloho e ka boroa ho Africa li aparetsoe ke lintoa tsa lehae le ho hloka botsitso lipolotiking tse bakang mesarelo le masisa-pelo ho ba bangata. O itse tokomane ea linaha tsa SADC e holima ts'ireletso le kopano ea tsona lipolotiking, ts'ireletsong le botsitsong ke bopaki bo phethahetseng ba boinehelo ba ho lakatsa khotso.

"Ha ke qeea-qee hore kopano ena etla ela hloko mekhoa e matla ea ho lokisa ts'ireletso tikolohong ena ea rona. Sechaba sa tikoloho ena se tsetselela khotso le bophelo bo botle bo ka fihleloang ka ntlafatso ea moruo tikolohong ena", Letona la rialo.

O itse ke boikarabello ba kopano ena ho bona hore khotso le botsitso lia rena tikolohong ena kaha ntlafatso ea moruo e ke ke ea tsoela-pele hara tlhokahalo ea botsitso lipolotiking le lintoa tsa lehae.

Mongoli oa Lekala la Tsireletso naheng ea Lesotho Mofumahali 'Mat'sepo Ramakoa o itse o motlotlo hore ebe t'sebetso eo ba ileng ba e'tsepisoa ha ba nka boeta-



Letona ofising ea Tonakholo Mong. S. Motanyane (oa bots'elela ho tloha leqeleng) sebokeng sa komiti ea ts'ireletso, le boemeli ba linaha tsa SADC, Maseru.

pele ba komiti ena e beha litholoana tse molemo.

"Sebokeng sena re tla shebana haholo le mosebetsi oo re o filoeng sebokeng sa 22 sa ISDSC eleng ho etsa tokomane ea mathomo holima

"Re tla furalla Maseru re le motlotlo re tseba hore seo re tla se tekela baetapele ba rona ka Phato, ke se fihletsoeng ka kopano ke linaha tsohle".

litaba tsa ts'ireletso. Komiti e bopilong ka linaha tse ts'eletseng e tla fana ka tlaleho ea mosebetsi oa eona moo linaha tsohle li tla fuoa monyetla oa ho etsa litlatsetso pele tokomane e tekoa kapele ho matona", Mofumahali Ramakoa o ile a bolella seboka.

Letona la litaba tsa lehae naheng ea Namibia Mohlomphehi Theo Ben Guriab o itse ho a khotsofatsa ho

hlokomela hore ho ipapisitsoe le qeto e entsoeng sebokeng sa 22 sa ISDSC ka Mot'sehanong, tokomane e holima litaba tsa ts'ireletso e se e lokile sebakeng sa ho hlahlojoa ke lihlooho tsa linaha ha li kopana ka Phato Blantyre Malawi.

O thoholelitse naha ea Swaziland ka ho bonts'a boetapele bo hloahloa tokisetsong le lipuisanong tse fihletsoeng ka katleho qeto holima kopano ea linaha tsa SADC lipolotiking, ts'ireletsong le botsitsong.

"Re tla furalla Maseru re le motlotlo re tseba hore seo re tla se tekela baetapele ba rona ka Phato ke se fihletsoeng ka kopano ke linaha tsohle", o ile a rialo.

O itse ba ntse ba etsa meralo le litsela tsohle tse ikamahanyang le molao tse tla lisa boits'oaro ba linaha tsohle, 'me ba lakatsa hore tsohle tseo ba li etsang li ikamahanya le boitlamo boo ba bo entseng ele litho tsa mokhatlo oa kopano ea linaha tsa Afrika (OAU) 'me are a ka thaba haholo ha sena se ka fetela mokhatlong o mocha oa kopano ea Afrika (AU).



Seabo sa mabotho a hlometseng pusong ea sechaba ka sechaba

Kajeno mabotho a hlometseng lefat'se ka bophara a tjametsoe ke phephetso e kholo. Ho na le lipotso tse ngata tse lokelang ho arajoa, empa ka nako e 'ngoe ho thata ho fumana likarabo. Lipotsoe tse kang hobaneng ha linaha li hloka mabotho a ts'ireletso? Seabo sa 'ona pusong ea sechaba ka sechaba e setse e ntse ele ntlha e hlokolosi ruri.

Sepheo sa mantlha sa boteng ba mabotho a hlometseng ke ho fana ka ts'ireletso khahlanong le bora bo tsoang ka ntle leha sena se a beha boemong ba ts'ebeliso ea likhoka. Haeba matla ao a sa sebelisoa ka nepo, a qetella a kena-kenane le lintlha tse ling tsa bohlokoa tsa sechaba. Haele mona ho ena le ngangisano ka hore na seabo sa mabotho a hlometseng pusong ea sechaba ka sechaba ke se fe, le hore na hobaneng ha linaha li lokela ho jara liits'enyehelo tsa mabotho ana, karabo e bonolo, mabotho a teng ho sireletsa meeli, boipuso le litaba-tabelo tsa baahi ba linaha ka ho ikhetha. Ka hona maemong a mang mabotho ana a fuoa boikarabelo ba ho ts'ehetsa ba boholong sechabeng.

Lefats'eng lena le feto-fetohang mabotho a hlometseng a filoe boikarabelo ba ho kenya letsoho mehatong ea poloko ea khotso ka mekhahlelo eohle ea eona boemong ba tikoloho le machabeng joalokaha seo e le boikarabelo ba linaha tsohle tseo e leng litho tsa mekhatlo ea machaba le ea tikoloho.

Leha ho le joalo pusong ea sechaba ka sechaba lichaba li hloka ho beha ts'ireletso maemong a phahameng empa e boetse ele ka ho qoba likotsi leha ele eona ts'enyehelo. Ts'ebetso ena e ka aroloa ka mahlofo lintlheng tse totobatsang ts'ebetso ea mabotho a hlometseng:

Seabo le boemo ba molao ba

mabotho a hlometseng;
Taolo e hlophisehileng ea 'ona ke mebuso e khethiloeng ka molao;
Seabo sa 'ona lipolotiking;
Khaho ea mabotho a hlometseng ka bo eona le
Kamono ea 'ona le sechaba ka kakaretso.

Sesole sa Lesotho se thehiloe tlaasa Molao oa Motheo oa Lesotho, hammoho le tlhaloso ea seabo sa sona sa mantlha. Temana ea 146 (1) e re, "ho tla ba le leboho la ts'ireletso le tla fana ka ts'ireletso Lesotho", sena ha se ntho e makatsang ha esale tjamelano ea linaha tse sekametseng Bochabela le Bophirima e fihla pheletsong ka lilemo tsa bo - 1989-91.

Leha ele hore seabo sa mantlha sa mabotho a ts'ireletso ke ho sireletsa naha khahlanong le bora bo tsoang kante ho meeli, ka nako e 'ngoe ha maemo a tsitsipane ka hara naha eba kante ho boikhetlo ho sebelisoa mabotho ho tisa boemo tlaasa taolo. Ho na le lintlha tse peli tsa mantlha tse loketseng ho eloa hloko ts'ebeliso ea mabotho a ts'ireletso ka hara naha.

Ntlha ea pele, seabo le boikarabelo ba mabotho a hlometseng li lokela ho seeloa meeli e sa le sethathong. Poloko ea molao le khotso Lesotho ke boikarabelo ba mantlha ba sepolesa. Empa haeba LDF e lokela ho kena ts'ebetso, seo se ka etsoa e se ele mohato oa ho qetela, 'me e lokela ho sebelisa matla a sa tloleng meeli ka hohle kamoo ho ka khonehang. Seo eleng sa mantlha ka taba ena ke hore LDF e ka sebelisoa litabeng tsa ts'ireletso ka hare ho naha. Ka ho ikhetha polokong ea molao le khutso e leng seo eleng boikarabelo boo e ka bo jarisanang le sepolesa.

Sesole sa India Lesotho

T'simoloho ea sesole sa India e re khutlisetsa morao linakong tsa puso ea manyesemane India. Lilemong tse 250 tse fetileng, se bile le liphetho tse 'maloa, sa loana lintoa tse sa baleheng hae le mose linaheng tse fapaneng le ka mabaka a fapaneng.

Se nkoa ele se ikhethileng se fapane hole ka mekhoha le meetlo le sesole sa linaha tse ling tsa lefat'se tse ahelletsoeng lipolotiking, empa sena ke se seng feela sa tse fokolang se se nang khahlamelo ea lipolotiki lefat'seng ka bophara.

Ka holim'a tseña, sesole sa India se tsejoa ele se matla, 'me se tebileng moetlong.

- Ts'ireletso, hlomphe le boiketlo ba naha, li tla pele kamehla ka nako tsohle.
- Hlomphe, boiketlo le mofuthu oa batho bao o ba laolang.
- Sebakeng sa hau, mofuthu le ts'ireletseho li tla morao ka mehla ka nako tsohle. Ka holim'a tsohle India ka boemo e bile motsoalle oa linaha tsa Afrika.

Kea tseba hoba batho ba bangata ba ipotsa hore na hobaneng sesole sa India. Se na le nalane e ntle ea ho ikoetlisa le ho thusa linaha tse ling. Mohlala tabeng ena ke sesole sa naha ea Botswana (BDF). Botswana e tsitsitse lipolotiking, 'me karabo e bonolo ke hore fela BDF ha e angoe ke lipolotiki tsa mekha tje ka linaha tse ngata tsa Ma-Afrika. Mona ho lokela ho tlotloa sesole sa India ka ho bopa BDF. BDF ke tlotla ea Botswana. Ke ts'epa hore sesole sa India se tlike ho nts'etsa pele leano le ts'oanang ka sesole sa Lesotho

Ana ke maikutlo a ka.

2/Lt P Nkeli

Motlotlehi o tlotla Basotho ba ipabotseng ts'ebetsong

Ka Pte Ntšele Ntoi

Motlotlehi Letsie II o ile a fana ka likhau ho litho tsa mabotho a hlometseng, sepolesa, ba lichankana le Basotho ba ipabotseng t'sebetsong ka ho fapana. Ts'ebeletso ena e neng e ts'oeroe ho t'soaea lilemo tse 38 tsa tsoalo ea Khosi e ne e ts'oaretsoe mapatlelong a lelapa la Borena bo boholo ka la 16 Phupu, 2001.

Mefuta ea likhau tseo Motlotlehi a ileng a li aba ebile likhau tsa Makoanyane tsa sebete boemong ba bolaoli le bo-ofisiri, tsa boipalo ts'ebetsong le ts'ebetso ea nako e telele ka boithlhonepho. Mokateng ona ho ile hoa tlotloa litho tse 195 tsa sesole sa Lesotho (LDF), 151 ho tsoa sepoleseng sa Lesotho (LMPS) 30 ho tsoa lefapheng la lichankana (LPS) hammoho le baahi ba 32.

Private Masaka Mpota (33) oa LDF o ile a tlotloa ka khau ea boipabolo ts'ebetsong ka boikitlahetso boo a bo bonts'itseng e leng se ileng sa hlaloso e le tlotla sesoleng sa Lesotho le naha ka kakaretso. O ile a thoholetsa hape ka ho fana ka mohlala o motle ho bohle ka hara t'sebetso ena ea t'sireletso.

"Ke ile ka makala ho qeta ha ke bolelloa hore ke khethetsoe ho ea fumana khau ena", ke Pte Mpota eo a bile a eketsa ka hore, "keletso ea ka ho bo-mphato ke hore bohle re ithuteng ho phetha ts'ebetso ea rona ka makhethe le boikitlahetso. Re lokela ho elelloa hape hore boithlhonepho le ho ipopa ngatana 'ngoe ts'ebetsong ke eona feela tsela", ke eena eo ha a eletsela.

Second Lieutenant Pitso Lesia le eena o ne a le teng moo a eme mohlankana ea bitsoang Mosehle Pule (16) nōkeng. Ba ne ba le moo ho amohela khau ea ts'ebetso ea lilemo tse 20 lebitsong la Pte Nkopane Pule (e leng ntata Mosehle) ea ileng a hloka hala

pejana selemong sena.

"Pule e ne ele motho ea sehlahlo

ts'ebetsong, ea ipabolang ka hara litho tsa ofisi ea heso ea LDF Personnel. Ke masoabi ruri ha ele mona lefu le mo

"Ho ile hoa tlotloa lintho tse 195 tsa sesole sa Lesotho (LDF), 151 ho tsoa sepoleseng sa Lesotho (LMPS), 30 ho tsoa lefapheng la lichankana hammoho le baahi ba 32".



Motlotlehi Letsie III o fana ka likhau ho mabotho a ts'ireletso le batho ba ipabotseng ts'ebetsong. Setšoantšo ka:- Pte N J Hokinyana

"Ke ile ka makala ha ke bolelloa hore ke khethetsoe ho ea fumana khau ena"

khaolelitse re sa lebeletse tse kholo ka eena tjena", ke 2Lt Lesia eo ka ho sareloa.

Mokete ona o t'soaroa ka Phupu selemo le selemo ho t'soaea letsatsi la tsoalo la Rabasotho. Mokateng ona hoba teng matona, liofisiri tse kholo tsa 'muso, baemeli ba linaha, Basotho ka kakaretso, re sa siee ka thoko bahlanka ba ts'ireletso ka ho tlotlisa letsatsi lena ka lipina le metjeko ho thabisa Motlotlehi le Basotho. ■

Basali ba tetekoang ba hana ho qosa banna ba bona



Ka WO II
Selebalo Sebe

Mantheke ng Phoka (hase mabitso a nnete) o phela joaloka nonyana lelapeng la hae Borokho-aneng le bana ba hae ba babeli. O hlrisoa ke monna oa hae hoo e reng ka mehla ha a fihla hae, 'mele o hoamang.

"Ke setlhotlelo, 'me o boja hoo e leng koko ea lelapa lohle ha a noele. Ha a fihla hae boteng ba hae o bopakahatsa ka ho rahaka mamati le ho nhlapaola, ka nako e ngoe a hle a nkakhathe ntle ho mabaka", a rialo.

Ho ea ka 'Mantheke ng, monna oa hae o sa tsoa fokotsoa merafong ea Afrika Boroa. Ke taba eo ke e tsebang hore o na le chelete ea phonkole eo a e senyang ha bohlasoa. "O bolela haa sena chelete ha ke mo kopa mose o pala, empa o fihla a phunkhane ke botahoa ka mehla", a rialo ka ho makala.

'Mantheke ng a bont'sa hore lehoja eena a ts'epahalla monna oa hae ha kalo, o phela molekong ka hara lelapa. "Ke sebeletsa hore bana ba mpe ba phele kaha a sa ba phelise ka chelete ea hae. Empa ho bohloko ka fetisisa ke hore o se a ntima le tokelo ea likobong hoo ke seng ke sa hopole hore na ke qetsetse ho kopana le eena neng", a rialo.

Monna oa hae, Temeki Phoka o bonahetse a sa ts'oenggoe ke menyenyetsi ena khahlanong le eena. O bolela hore mosali oa hae ke thepa ea hae 'me ha ho motho le ea mong feela ea ka its'uny-ts'unyang litabeng tsa hae tsa lelapa.

"Ke na le batsoali le lelapa moo mosali oa ka a ka nqosang teng, e seng ho mang kapa mang le ha ele sepolesa", a tiisa joalo.

Mat'seliso (13), morali oa 'Mantheke ng o re o rata ntatae hobane o mofa chelete. "O mpha chelete ea ho reka lipompong le li-chips", ho rialo ngoanana ea shebahalang a sena molato. O re seo a sa se rateng ke ha ntate oa hae a etsa lerata ha ba robetse. "O re tsosa le bosiu ha a fihla me ha ke rate", a eketsa.

Keiso Matashane-Marite, ofisiri ea mananeo setsing sa Basali Molaong Afrika e ka Boroa Maseru (WLSA) ea lipatlisiso, o re ke bo-mali-mabe hore ebe baahisane ha ba na thahasello ea boikopanyo khahlanong le tthekefetso ea ka malapeng.

"Baahisane ha ba lokele ho emella thoko ba lebelletse liketso tse tlontlolang tsa tthekefetso ea basali ka malapeng", a rialo.

A supa ka mokhoa o khethehileng khohiso ele e 'ngoe ea lintho tse susumetsang ho khakhathea ha basali. "Bashanyana ba khotlaetsoa ho tia, ba be matla, 'me ba lekanye hore sena se bolela matla a potomane holima basali ka ho khetheha", a hlalosa.

Mokhibo Matela Gwintsa, le eena ke ofisiri ea mananeo hona WLSA o re batlalehi ba ke ba khaotse ho tlaheha ka tsela e nyenyefatsang basali. "Tloaelo ena e etsa hore ba tsoafe ho bolela mathata a bona e sere mohlaope ba hlahatsoa", o boletse tjena.

"Ke na le batsoali le lelapa moo mosali oaka a ka qosang teng, e seng ho mang kapa mang le ha e le sepolesa".

Moruti oa kereke e Katholike ea Roma, Ntate Bernie OMI, o re kereke e nena tthekefetso ea basali ka hohle, 'me ele baruti ba sebelisa tlhabollo (counseling) ho khalemela tthekefetso ka malapeng. O re ha a utloisisi hore na ke hobaneng ba sa nkeng mohlala oa liphoofole, "ha ke eso bone pheeke e loma ntja e t'sehali. Na lintja li feta batho ka boit'soaro bo bottle?" A rialo.

'Mamasupha Bereng, mothusi ka ofising setsing sa tlhabollo sa selibeng bakeng sa liphofu tsa tthekefetso ea ka malapeng, o re Lesotho ha le etse liteko tse lekaneng ho hlaola tlhoriso ena. "Ke lumela hore eka khona ho choe lehae la liphofu tsa tthekefetso ha ba ntse ba itlhotha litlhotse mositong ona" a hlahisa tjena.

O itse linaha tse kang Afrika Boroa, Botswana le Zimbabwe li na le lehae le joalo bakeng sa liphofu tsa tthekefetso. "Setsi sa rona se fana ka tlhabollo le boeletsu ho batho bohle, e bang ke basali, banna le bana. Re bile re ba hlokomelisa ka litokelo tsa bona, 'me moo ho hloka halang re ba thusa ho nka likhato tsa molao ho ba ba hlrisang" a hlalosa tjena.

Mofumahali Bereng o re tthekefetso ena e atile haholo manyalong a macha. "Empa boemo bo ntlafala ha banyalani ba ntse ba hola. Ho a mang manyalo, eba boteng ba bana ba seng ba le lilemong bo ba hlabisa lihlong 'me ba lese ho hlobohana" a eketsa.

Inspector Lethae Rammea oa Likamano tsa Sepolesa le Sechaba o re karolo ea bothata ba tthekefetso ea malapeng ke hobane basali ba t'saba ho qosa banna ba bona le ha ba ba hlrisa. O re basali ba bang ba be ba hule linyeoe khahlanong le banna ba bona ka makhotleng li e so buuoe.

O re bothata bona bo jele setsi hoo ha eba ho sena likhato tsa molao tse nkoang, ho ke ke ha eba le phetoho ea letho. "Ho fana ka mohlala, re t'soara linyeoe tse ó tsa tthekefetso malapeng ka letsatsi, 'me lenane le nyoloha haholo mafelo a beke" a hlalosa joalo.

Tthekefetso ea basali ke tlhoriso e etsetsoang litho tse senang matla (basali) ka malapeng ke ba nang le matla (banna). E kenyeletsa ho khakhathea le ho hlrisa moeng.

"Bophelo ba ka le mosali oa ka e ne e le lihele".

Ka Pte Ntlele Ntoi

"Bana ba ka ba ne ba lula ba tsitsipane ka mehla ha re tjolietsana ka mantsoe a bohale le mahlapa a tala le eo 'ma'a bona, 'Mats'iea. Lelapa la ka leo e kileng ea e-ba lehae la thabo le monyaka la apareloa ke bolutu le tlokotsi e kholo. Kea tiea, kea u hlapanyetsa monn'a heso, basali ba rona ba babe empa haele eo mosali eena e ne e hlile e le noha ka ho phethahala", ho rialo Monghali Norman Ts'iea* (36), rameralo ka mesarelo .

Ts'iea o ne a tlamahantsoe ka lenyalo le thaka ea leihlo la hae Anita Fusi* eo e leng mosuoetsana ka ts'ebetso, 'me ba sitsoa ka bana ba babeli, moshanyana le ngoanana.

Ts'iea o hlalosa hore meleko e ile ea qalella hang ka mora'o hore a ele hloko hore mofumahali oa hae o se a hlanetsa khera ele ka 'nete lilemong tse tharo tse fetileng.

"Ho se ho kae tloaelo ena ea hae e ile ea fetoha moetlo, ea e-ba ntho ea mafelo a beke e 'ngoe le e 'ngoe. A lahla boikarabelo ho tu! U ne u ke ke oa mohlaka meketjaneng ena eohle eo u ka e bolelang, haholo-holo ena e thahaselloang ke thaka ena e ncha le mehlape-moipusi e kang eena joalo.

"Hae o ne a kena ka mphiphi, a bo khile ka likhopo. Ruri u ne u ka re qenehela 'na le bana bao ba ka kamoo re hlorang ka teng ke mekhoha eo ea mosali eo!" ho rialo Ts'iea ka ho sareloa ho hoholo.

Monghali Ts'iea o re o ile a 'na a phehella ho buisana le mofumahali eo oa hae ka thata ke sepheo sa ho mo lemosa tlokotsi e fuperoeng ke mekhoha eo ea hae. "Ao, ho mang, ntate? 'Mat'siea? Ruri e ne e-ba ke ipoleletse lefeela. O ne a hana ke li re qhele feela; e be o tla ntjolietsa hore ke be ke ikutloe e ka ke ts'ere-ts'ere feela tjena!" e boetse ke Ts'iea eo.



Mothei-motsamaisi oa sekolo sa tharollo ea likhohlano manyalong (IRSMC) moruti Calvin Motebang oa Assemblies of God.

Sehlohlolo sa ts'enyehelo le ho fosahala hoa hoa 'Matsiea e biel mokhoa oa hae oa hore ha monn'a hae a lla ka mafu a likobo a neng a se a iphetotse pharela ka lapeng e be o hana hehehe ho ea 'moho le eena motebong oa litlhare bakeng sa tlhatlhobo le pheko.

Seo e ne ele sesupo se totobetseng sa hore lelapa leo le tla qhalana. Baholo ba bona ba ile ba leka ho kena lipakeng empa ao ba tea kalana. Khalemelo e ne e se ntho eo 'Mats'iea a sekehelang tsebe ho hang. "Monn'a heso mosali eo o ile a nkeka joalo, a iphetola lejoe la khopiso tseleng ea bophelo ba ka. Kantle ho boikhethelo ke ile ka qobelleha ho hlahlala qoso ea tlhalo khotla ke hona.

"Empa ka bomalimabe bo boholo ke ile ka hloloa tsekong ea ka ea ho abeloa bana bao ba ka joaloka mohlakomeli le moholisi oa bona. Lebaka e le hore ba sa le banyane haholo", ke Ts'iea eo ka ho hlomoha ho hoholo.

Monghali Ts'iea o lefa M800.00 khoeli ka 'ngoe bakeng sa lits'enyehelo tsa kholiso ea bana, e

leng se ka etsang karolo ea bobeli borarong ea moputso oa hae.

Ha ke mo botsa hore na o ntse a lohotha ho nyala hape kapa che, Ts'iea o ile a ncheba, a sisinya hlooho a hloletsoe ruri a nto re mang? E seng 'na Ts'iea. Ha ke batle leha la re le sa mpatlisa. Ke utloile hle, banna, ebe ke haeba ke sa batla eng joale?"

Morupeli thutong ea sesotho mane sekolong sa thupello ea mesuoe le mesuoetsana (LCE) Mofumahali 'Maneo Agnes Poopa o re, "sena e ne e se tloaelo sechabeng sena sa habo rona. Ho ne ho e-na le maqhama a tiileng a lerato lipakeng tsa banyalani. Bots'epehi le boitlhompho e ne ele senyepa le seikokotlelo malapeng ohle a Basotho litaba li fetohile kajeno".

Mofumahali Poopa o ile a tsoela-pele ho hlalosa hore liphuputsong tse ileng tsa etsoa ke ba bang ba barutoana ba hae ho sibollotsoe hore bothata bona ba litlhalano bo atile haholo libakeng tsa litoropo. Ha ele metseng koana moo basali ba bangata ba sa sebetseng litlhalano tsena ha lia ata.

"Basali ba sebetsang ha ngata ba khella banna ba bona tlaase hobane feela ba ikotla sefuba ka hore ba na le bokhoni ba ho iphelisa ka meputso ea bona.

"Sena ha se a nepahala. Banna leha ebile e le batho ba ikhohomosing ho le ho kaalo, ba amohelang liphoso tsa bona ka lekhoneo, ba lokeloa ho hlonepshoa. Ke lihloho tsa malapa ho sa natsoe hore na ba amohela bokae", ke 'M'e Poopa eo.

Puisanong eo ke bileng le eona le eena le mohokahanyi mokhatlong oa liakhente tsa Basali (FIDA) mane ntlokholo Maseru, Mofumahali Thusoana Ntlama o ile a hlalosa kamoo pharela ena ea litlhalano e leng bothata bo ts'oentseng mokhatlo oa habo ka teng.

"Ntate, koano FIDA ha re baahloli. Hoa rona ke ho matlafatsa moea oa

sheba qhephe la 17

... tlhalano

li tsoa qhepheng la 16

mamellano, ho jarelana mefokolo le ho khothaletsa tharollo ea liphapang ka lipuisano ka har'a malapa", ke Mofumahali Ntlama eo.

"Sepheo sa rona sa mantlha ke ho fana ka tlhahiso leseling ho tsa molao le litokelo tsa mantlha tsa botho. Re anetsa thuto ena ho bohle ho tloha litoropong ho ea metseng le metsaneng.

"Lilengoaneng tsa ho feta re se re atlehile ho kena lipakeng le hona ho tisa tharollo lipakeng tsa banyalani ba bangata ba neng ba se ba le makhatheng a ho hulanyetsana khotla", e boetse ke eena eo ka boitumelo bo boholo.

'Me Ntlama o re FIDA ha e khethe nku ka pere joalokaha ba bangata ba lekanya. O tiisa hore ba fana ka boeletsu ba molao mathateng ohle a amanang le phelisano 'moho manyalong ho banna le basali ka ho ts'oana.


"Bo-'me ba atisang ho tla re tlahela litlitlebo tsa bona hangata ba ee ba lle ka botahoa, ho khakhathoa le ho furalloa hoa malapa ke balekane ba bona. Haele bo-ntate bona ba tletleba ka ho tinngoa lit'soanelo tsa bona ke mafumahali a bona karolelanong ea likobo", ke 'Me Ntlama eo.

Lipalo-palo tse nt'sitsoeng ke ba Lekhotla le Phahameng la linyeoe li bont'sa hore ke manyalo a 198 a ileng a khaoloa ka molao ka selemo sa 2000. Selomong sena sa 2001 ho fihlela joale ka khoeli ena ea Phato ho se ho khaotsoe manyalo a 164.

Mothei-motsamaisi oa sekolo sa tlhabollo ea ba anngoeng ke bothata ba tlhalano tsa merabe eohle (IRSMC), Moruti Calvin Motebang oa Assemblies of God, Maseru o re ha litsi tse ling li shebane le tharollo ea bothata bona ka tsela ea semolao, kereke eona e thahasella ho ts'elisa le hona ho tsosolosa meea ea mahlatsipa a qaka ena.

"Re fana ka thuso ka tataiso ea Bibe", ke Ntate Motebang eo.

Ho feta moo Moruti Motebang o ee a hlophise likopano tseo ho tsona a buisang le bahlankana le baroetsana ba seng ba le lilemong tsa ho kena lenyalong le banana le bashanyana ba lilemo li 16-18. "Ke ba beha leseling ka seo maphelo



Enoa ke 'm'e 'M'anejo Poopa morupeli puong ea sesotho sekolong sa thupello ea mesuoe le mesuoetsana (LCE)

a bona a tla'ng hoba sona ha ba se ba le manyalong. Bohlale ke ho ithuela tsebo e sa le sethathong, etsoe mara ha a sena lihloela a oela.

"Ke ba lemosa ka mehla eohle hore lirosa le ha ebile e le lipalesa tse ntle ho le ho kaalo, li na le meutloa. Ka hona ba be seli haholo ha ba etsa khetho ea mapomelo ka bao e tlang hoba balekane ba bona ka moso", e boetse ke Moruti Motebang eo ka pososelo e kholo.

Ke ile ka makala ho qeta ha moruti a mpoella hore hang hang ha a thoma puisano le motho e-ba o se a qetile khale hore na motho eo ke oa semelo sefe le hore na a ka mamella bothata ho isa kae.

"Ho na le batho ba mamellang bothata ba ntse ba khutsitse. Ba bipetsane feela ha ba utoile bohloko, 'me ba sa arolelane boima bo bakoang ke bona le mang kapa mang.

"Kea ts'epa u se u kile ua utloela ka batho bao ekileng ea re sehlohlong sa khalefo ea bona ba ileng ba rinya bana le balekane ba bona ka lithunya, ba nto ipolaea. Bao, hee ke ba bang ba batho ba kotsi, 'me ba hloka thuso e potlakileng ho ba sokolla mehopolong e joalo nako e sa le teng" ke ntate Motebang eo ka moea o oeleng ruri.

Lipalo-palo tse bokelelitsoeng holima boiphihlelo ba t'sebetso ea

Moruti Motebang li bont'sa hore lenyalo le leng (1) ho a mahlano (5) le kotsing ea ho pshatleha nakoana e se kae le sa tsoa ema. "Esale hoba ke be boemong ba ho kopanya batho ka lenyalo lilemong tse 17 tse fetileng, ho manyalo a 260 ke a 10 a seng a pshatlehile. Haholo ea ba sa ntseng ba tiiselitse ba tlike ho 'na ba tletleba ka likhohlano leha ebile tse ileng tsa rarolleha", ke moruti eo.

Moruti Motebang o re o ee a fane ka boeletsu ba ho khaola lenyalo le e mong oa balekane a seng a sa ikamahanye le tataiso ea thuto-Molimo kapa hona ho ikobela molao. Ke hore ba phelang bohlole ba sa khaotse kapa ba khakhathang balekane ba bona.

"Mora'oa tjena ho se ho e-na le mafu ana a t'soatsanoang a likono a kang bo- HIV/AIDS. Ka hona ha re lokela ho khothalletsa motho ho mamella molekane ea tla qetella a 'molaile ke ho hloka khalemelo", a rialo a qotsa Mathew 19 temana 1-2.

"Moshe o le file tumello ea ho hlala basali ba lona ka lebaka la bothata ba lipelo tsa lona. Empa t'simolohong ho ne he se joalo. Kea le bolella ke re ea hlang mosali oa hae ha e se ka lebaka la bohloka, a nyala mosali e mong o oa feba".

Moruti Motebang o re ke palo hare ea banyalani ba mashome a robeli lekholong (80%) ba eang ho eena ho ea batla thuso ba eeng ba boelane ka khotso le ts'oarelano ka morao hore ba fete tlaasa lithupelo tse 'maloa tsa phelisano 'moho e atlehileng.

"Ke boetse ke khothaletsa banyalani ho boha lit'soant'so tsa video, ho mamela li cassette le hona ho bala libuka tse nang le malebela tharollong ea likhohlano tse ka lebisang tlhalanong", a rialo a mpont'sa e 'ngoe ea libuka tseo - 'Winners Are Not Those Who Never Fail but Those Who Never Quit' e ngoliloeng ke Edwin Lous Cale. ■

Mahao o toloka molao oa sesole



Ka Pte
Tankiso Nkoho

Ke t e l o
khafetsa
ke bolaoli

le masole ka bo
mong e phahame
h a h o l o .
Sethathong re ne re
atisa ho lula re sa
eteloe, 'me e ka ba

ka thata re ka eteloang. Hona joale
re lula re eteloa boholo ba nako",
motlatsi oa ofisiri ea tsa molao
Majoro Maaparankoe Mahao a
rialo.

Majoro Mahao a pharalla ka hore
ofisi ea tsa molao hona joale e na
le liakhente tse peli, 'me babuelli ba
babeli ba nang le lengolo la pele la
molao (BA LAW) ba ntse ba
tsoela-pele ka lengolo le
phahameng la molao (LLB)
ka sekolong se seholo sa
sechaba (NUL). Ba bahlano
ba ntse ba tsoela-pele ka
lengolo la pele la tsa molao
(BA LAW) ka NUL. Liakhente
tse peli li ithutela sesole
Jeremane (Cadet Officer
Course).

"Kholo ea basebetsi ofising
ea heso ke katleho e kholo",
Majoro a rialo hlathe e lelekisa tsebe.

Majoro Mahao a hlalosa hore ofisi
e ne e thehoe tlasa temana ea
leshome le metso e supileng (17) ea
molao oa nomoro ea bone (4) ka
selemo sa 1996. Majoro a eketsa
ka hore ofisi ea habo mosebetsi oa
eona ke ho eletsa bolaoli ba sesole
le masole ka bo mong litabeng
tsohle tsa tsa amanang le molao oa
sesole.

"Molao oa sesole o kenyeletsa litlolo
tsa molao joaloka hoba sieo
mosebetsing ntle le tumello (AWOL)
esita le bolofa ka kotloloho tseo ofisi
ea heso e sebetsanang le tsona ha
ngata", Majoro a rialo.

Potsong ea hore lentsoe lea la bolofa
ha le utloisisoe hantle ka sesoleng,
Majoro Mahao a bolela hore bolofa
ke tlolo ea molao moo lesole le
ikhethelang ho se itlalehe
mosebetsing ka boomo ele ho
arohana le sesole.

"Hona le lintlha tse peli tse
etsahalang mona, ea pele ke ketso
ea hoba sieo mosebetsing le
maikutlo a tsepameng a hore e mong
o batla ho tlohela bosole", Majoro
a tolaka joalo.

Majoro Mahao o bont'sa hore taba
ea matsatsi a leshome le metso e
mene (14 days) e lekanya feela
matsatsi a bolofa ele bopaki bo
hapelloang ke mochochisi ho ea ho

*"Ha masole a ts'oanela
ho hlaha ka pela
lekhotla la sesole,
molao o oa ba lumella
hore ba emeloe ke
babuelli ba molao"*

moqusuoa. Ka mantsoe a mang
bolofa bo its'oanela feela le ho ba
sieo mosebetsing ntle le tumello.

"Ke tloaelo hore masole a lofileng
mosebetsing a bolokoe ka hara
metebo ea sesole, 'me ho etsoa hona
ho it'setlehiloe le hore na litlolo tsa
molao li toma ha kae. Mohlala ba
bang ba ahloloe ho lula ka hare ho
metebo ea sesole likhoeli tse tharo,
tse 'ne kapa tse ts'eletseng", Majoro
Mahao a hlalosa joalo.

A eketsa ka hore bat'soaruo ba
bolokiloeng motebong oa sesole ha
ba lumelloe ho hlaha hae kapa
teropong ho fihlela ba qeta likotlo
tsa bona.

Majoro Mahao a supa hore selemong
sena masole a mahlano a ile a lelekoa
mosebetsing ka lebaka la bolofa.
"Tloaelo ke hore batho ba lofang
mosebetsing ba fuoa monyetla oa hore
ba khutle mekhoeng. Empa bana ba
bahlano ba ile ba lelekoa hobane
bolofa ba bona bo ne bo thopothetse
maling", Majoro a hlalosa joalo.

Majoro o totobatsa hore boteng ba
lekhotla la sesole (Court Martial) bo
fokolitse litlolo tsa molao tseo masole
a neng a atisa ho li etsa. A eketsa ka
hore masole a tseba hona joale hore
litlolo tsa molao li tla behoa ka pela
lekhotla la sesole.

Potsong ea hore ke hobaneng ha
masole a khetha ho emeloa ke
liakhente ha ba t'soanela ho
hlaha pela komiti ea boit'soaro.
Majoro o hlakisitse hore litaba tse
amanang le boit'soaro li
mekhahlelo e 'meli, ke moo
masole a hlahellang ka pel'a
baokameli ba bona le lekhotleng
la sesole.

"Ha masole a ts'oanela ho hlaha
ka pel'a lekhotla la sesole, molao
o oa ba lumella hore ba emeloe
ke babuelelli ba molao", Majoro
a netefatsa taba eo. Majoro a eketsa
ka hore o hlokometse hore masole ha
a na t'sepo kabong ea toka ka
lekhotleng la masole. "Masole a
nahana hore a tla sekisetsoa ha ba
ahloloe", a rialo.

Majoro Mahao a bolella hore o
khotsofetse ke tsoelo-pele lilemong
tsena tse 'ne (4yrs) a sebetsa sesoleng.
O thatiselelitse ka hore hona le lintlha
tsa sa mo khotsofatseng ho hanf.
"Mohlala, mokhoa oa tsela ea litletlebo
o tlameha ho sebetsa joalo ka ha o
raliloe, 'me ha o sebetse ho hang",
Majoro a etsa tlhakiso.

Majoro a supa hore baokameli ha ba
thabele mokhoa ona oa litletlebo, ba



Ka Lenka Sello

Maikutlo a ka holima kutloisiso ea molao

Ba bangata ba rona ba na le kutloisiso kapa eona tumelo ea hore basireletsi ba molao ekasitana le bona bo ramolao ekabang maqoetha kapa bachochisi ha ba etse litlolo tsa molao kapa mohlomong ba ka se qosoe makhotleng a molao. Ka bomali-mabe ha se hoo eleng hona. Ha u ka 'mamela ka tieo mohlomong u tla qetella u bone hore na ebe ke eng e re fang maikutlo a fosahetseng ana.

Ha re bua ka masole, mapolesa ekasitana le balebeli ba lichnkana re bona batho ba toka qha! E le 'nete ho fela ho le joalo, empa taba ele hore ha se ka mehla ba leng molaong kapa eona taolong. Feela mona hee ha ke batle hore motho e mong a tle a nkutloelle. Ke cho tjena hobane ho na le batho ba ratang ho sotha litaba tsa batho molemong oa bona o fapohileng.

Ke na le tumelo ea hore pele re ka ra ea halelele ka litaba tsena ho bohlokoa hore ke qale pele ka ho itsebisa e se re mohlaope ha pitsa e se e tjoatla ebe motho oa ho reng o se a hlaha koana a re hana joale ke ofe eo! Bonnete ke hore ha ke lethapisana ho tsena tsa boqolotsi le bongoli ba litaba, empa ele hore ka nako engoe ke ee ke tlohe ke nke mothinya joalokaha u tseba hore ho na le lithuto tse peli fela lefatseng mona, eleng boqolotsi ba litaba le tsena tse ling tsohle.

Kahoo ke eletsa 'mali ea khabane hore

a se makalle ho bona sefahleho sena khatisoneng engoe le engoe ea "Mara" se u tsoepelela sengoathoana sa litaba tse amanang le molao bophelong ba letsatsi ka leng.

"Ke na le tumelo ea hore pele re ka ra ea ha lelele ka litaba tsena, ho bohlokoa hore ke qale pele ka ho itsebisa e se re mohlaope ha pitsa e se e tjoatla ebe motho oaho reng o se a hlaha koana a re hana joale ke ofe eo"

Ho latela maikutlo a ka e ne eka litaba tsena tseo re tlang ho lula re shebisana ka tsona khatisoneng engoe le engoe li ne li tla talingoa ele teko engoe ea ho tlisa kutloisisano lipakeng tsa mafapha ohle a sechaba le ho leka ho fokotsa likhohlano tse bakoang ke litsebo tse fapaneng sechabeng.

Ha ngata ha ho bueha ho thoe bo ralitaba le boramaselinyana ke bo


phehla-marole, empa 'nete ele hore ba be ba leka ho seeola le ho hlaola mo lehlakore le leng le hatileng ka lebatha molemong oa hore khotso le kutloano li tle li rene qetellong. Empa rea tseba hore kamehla ho thata hore monoana o ka its'upa kapa eona ts'oene hore e ipone lekopo.

Ka bokhuts'oanyane seo ke khannelang ho sona ke hore takatso ea ka e ka ba hore leoto la pele ha re qala ka litaba tseo re tlang ho sebetšana le tson ebe ho shebisana lintho tse mona tseo ho tloaelehikeng hore ha li entsoe ke ba boliseng ba molao ebe ha li shejoe ka leihlo le nchocho, empa ere hali entsoe ke ba mona bao hotheoeng ba eiseha ebe ba tla nkuoa ka phutho ea metse ho isuo a makhotleng a molao.

Ere ke lielle likhala ka ho u manollela tseo re tlang ho li lekola kamoso ha re teana khatisoneng e hlahlamang. U n'o hopole hore ke itse masole kapa mapolesa ha se batho ba lebeletsoeng ho fumanoa ba ameha tlo long efe kapa efe ea molao kahoo ke phoso hore ba tholoe ele karolo ea bobolu, boqhekanyetsi ka khatello, litlolo tsa melao ea mebileng, lithethefatsing, ho ba le libetsa tse kotsi, ekasitana le ho pata pele.

Ho hlakile hore tsena tsohle re ka se li seka-seke ka khatiso e le 'ngoe, empa hona ha ho bolele hore boiteko bo ke ke ba etsuo a. 'Na ke emong oa batho ba lumellanang le maikutlo a hore U se ke oa t'sela borokho pele u fihla ho bona.

Ke tla buea sekoee! ■



Mangolo a ka lebisoa ho Mohlophisi

The Editor

MARA

P. O. Box 54,

Maseru 100, Lesotho

Tel: (09266) 326080 Fax: (09266) 310351

LITŠOANTŠO TS




Brig. SebaJoe (ea bohareng) o ile a felehetsa mookameli oa sesole Lt. Gen. A.M Mosakeng ho ea India. Ba bonoa ba na le li ofisiri tsa sesole sa India.



Ke sona sehlopha sa batho ba neng ba nkile karolo phuthehong ea likamano tsa sesole le sechaba Maseru ka Photo 2001. Setsoantso ka:- Pte.T. Kharafu



Litho tsa Positive Action li bonoa mona li theohetse ka thata mosebetsing oa tsona.



Motlotlehi Letsie III o bonoa a amohela tumeliso ea sesole mohla letsatsi la tsoalo ea hae lebaleng la Setsoto, Maseru. Setsoantso ka:- Pte.T.J.Toai.



Ba nkileng mebala ea naha, ba itokisetsa ho nka sebaka ka Setsoto Stadium mohla letsatsi la tsoalo ea Motlotlehi Letsie III. Setsoantso ka:- Pte. G. M. Maputla.



Mookameli oa Sesole sa Lesotho (oa bobeli ho tloha lehojeng) o bonoa a le Lanseria (Afrika Boroa) moo a neng a ilo amohela seroalangkhoana se secha sa sesole sa Lesotho. Setsoantso ka:- WOII M S Petje

A LIKETSALHALO



Mookameli oa sesole sa Lesotho Lt. Gen. A.M Mosakeng o bonoa a amohela mohlahlami oa mookameli oa sesole sa India Lt. Gen. R. K. Sawhney. Setsoantso ka:-L/Cpl P R Shamatlā



Colonel Eugene Michael Mensch oa sekolo sa sesole se metsing sa Amerika California, USA, o fana ka puo sebokeng sa likamano tsa sechaba le sesole Maseru ho tloha ka 20 – 24 Phato, 2001. Setsoantso ka:- Pte T P Kharafu



Li-commando tsa LDF tse koetlisong ea sesole sa India (Lesotho) li itokisetsa ho khabolisa lithunya motebong oa sesole Makoanyane. Setšoantšo ka:- Pte.A. R. Mathaba



Molaoli oa sesole sa Lesotho, Lt Gen. A.M Mosakeng o bona a bula ka molao moaho oa thapollo ea litho sepetlele sa sesole sa Makoanyane. Setsoantso ka:- Pte.G.M.Maputla



Ke karolo e engoe ea basebetsi ba Positive Action kapele ho lebenkele la bona.



Mookameli oa sesole sa Botswana (bohareng) Lt Gen L M Fisher o ile a etela mphato oa hae oa Lesotho, Lt Gen A M Mosakeng (le lets'ehali) ntlo kholo ea sesole Ratjomose ka la 14 Phato 2001. Ka lets'ehong le le letona ke moeletsi oa ts'ireletso oa sesole sa India, Brig J. Singh. Setsoantso ka:- L/Cpl P R Shamatlā

Lefu la HIV/AIDS le hloa mekoalaba Lesotho

"Loantsa AIDS e seng batho ba nang le oena, haeba o nahana hore Condom e ea o robatsa, leka AIDS"

Ka Ingo Seifert

Tlaleho ea pele ea t'soetso ea lefu la Mokakallane-oa-setla-bocha e bile ka selemo sa 1986, 'me lilemo tse leshome (10) ka mora moo (1996), ho tlalehiloe lenane la 936 la ts'oetso hohle ka hare ho naha. Ho ne ho shebahala e ka Lesotho ke engoe ea linaha tse nang le t'soetso e tlaase ea lefu lena.

Hona ebe ele khakanyo e fasahetseng haholo selemong sena sa 2001, Lesotho le hlaha bobeling ka mor'a Botswana. Lipalo-palo li supa ha Lesotho le ena le 25% ea ts'oetso eleng batho ba sa leng lehaleng la thobalano, le fetoa feela ke Botswana e nang le 32%.

Ho nyoloha hona ho potlakileng hoo t'soetso ho khina tsoelo-pele ea Lesotho. Ka lilemo tse telele re ne re iphapanyelitse boteng ba lefu la HIV/AIDS mona Lesotho re lumela hore ke lefu la melata. Ebile feela ka 1998 moo re qalileng ho lumela butle-butle hore Basotho ba ka ba le lefu lena ele ha malapa a mangata a ne a se a amehile litlalehong tsa mafu a bakiloeng ke bohloko bona.

Le ha joale, batho ba bangata ba sa ntse ba latola sesosa sa mafu liphupung mona, ba iphapanya ka hore mofu o bolailoe ke lefu la tsoekere, TB, Serame sa mat'soafu (pneumonia), Sejeso le a mang.

Mooki bua 'nete! Re ts'oanela ho toba 'nete hobane ha ho motho ea ka kekeng a ts'oetsoa ha feela a sa it'sireletse thobalanong, lintoeng, likotsing tsa makoloi, ho arolelana mahare le mamao, mabushe a meno esita le ho thusa batho ba tsoang mali o sena li atlana.



Mong. Ingo Seifert – Molula setulo oa mokhatlo oa Positive Action Lesotho.

Ha se ntho e lihlolong ho ba le t'soetso ea lefu lena, empa ho le fitisetsa bathong ba bang ke polao ea batho ka sehloho (murder).

Ke nako joale ea ho nka likhato tse nepahetseng ka mafu a HIV/AIDS pele naha ea rona e soahlamana haholo letobong la bochaba ho sala bana le maqheku ba hlokometse malapa.

Ka Phuptjane 1999, ho ile ha thehoa (Positive Action Society) ho thusa ba ts'oaelitsoeng ho hlokomelisa batho ka t'senyo e bakoang ke lefu la AIDS Lesotho.

Baile ba qala ho etsa matlapa a ngotsoeng melaetsa ea tlhokomeliso joaloka "Loant'sa AIDS e seng batho ba nang le eona" kapa "Haeba o nahana hore condom e ea o robatsa LEKA AIDS". Ho fihlela ha joale ba e ntse melaetsa e 44 ka

sesotho le senyesemane matlapaneng le lipampiring.

Kelo-hlolo ena ea AIDS (Positive Action) e bolela hore motho o lokela ho tseba ho thibela t'soetso ea lona. Lelente le lefubelu le supa boemo bona 'me batho ba le fasitseng ba t'sepisa hore ba tla bont'sa

"KE A TSOTELLA - UENA?"

boikarabello bona ka lerato bophelong ba lona ho bua phatlalatsa ka HIV/AIDS ho batho le ka t'seetso bathong ba lefu la AIDS.

Lepetjo la letsatsi la lefats'e la AIDS selemong sena le tlang ho ba ka 1st Decemba ke:-


"Kea TSOTELLA- NA (UENA?) UENA OA TSOTELLA?"

Ha eba ha rea ts'oanela, joang kapa joang re amehile. Bohle re utloa bohloko me re lokela ho kopanya matsoho ho bopa boemo boo batho ba ts'oeroeng ke lefu lena ba sa khetholloeng, ba mpa ba t'soaroa ka hlomphe e lokelang batho ba phelang hantle.

E SITA LE HA U SE MOSEBETSING - SIRELE TSA SECHABA

Sebelisa u be u fane ka li-condom, ruta ka lefu la AIDS moo u phelang teng 'me u sebeletse LESOTHO LENA LE SENANG AIDS.

"KE A TSOTELLA - UENA? Malente a AIDS le lihloiso tse ling li a fumaneha setsing sa kelohlolo se moahong oa Options (Building), Pioneer Road in Maseru, Tel. 8850069. ■



Dr 'Molotsi Monyamane

Lefu la tsoekere (Diabetes) ke eng?

Ke boemo boo 'mele o sitoang ho sebelisa tsoekere ho matlafatsa ka lebaka la khaello ea lero la insulin.

Lefu lena la litho tsa 'mele, le bakoa ke boemo ba 'mele joaloka viruses, stress le difects karolong tsa 'mele tse itaolang. Sena se baka lefu la tsoekere ho batho bao seng ka bona se nang le lefu la tsoekere.

KE MANG EA KOTSING?

Mang kapa mang, morui kapa mofutsana.

Lihlopha tse kotsing.

- i. Seng ka mokuli oa lefu la tsoekere.
- ii. Batho ba ikimelang.
- iii. Batho ba nang le phallo e holimo ea mali.
- iv. Ba lilemong tse kaholimo ho 40.

Mefuta ea lefu la tsoekere.

Mofuta oa pele - O hloka insulin ho phela.

Mofuta oa bobeli - O na le insulin e nyane eka tsosolotsoang ka lipelisi feela o tla hloka insulin neng le neng bophelong.

Mat'soao a lefu la tsoekere.

Ke batho ba bangata ba nang le mats'oao, empa ke ba seng ba kae ba tsebang hore bana le lefu la tsoekere, nakong eo o elelloang mats'oao, ebe ese ele lilemo tse 7 o na le lefu la tsoekere.

- Ho fokola 'meleng.

- Lenyora la khafetsa.
- Pono e lerotho.

U sheba joang lefu la tsoekere.

Fasting blood sugar > 7 mm0l/1.

Random blood sugar > 11.1 mm0l/1.

NA PHEKO E TENG?

Ha ho pheko bakeng sa lefu la tsoekere, empa e ka laoloa ka

- Ho koetla.
- Ho ja hantle.
- Meriana - lipelisi.
- insulin.

O ka e laola haholo ka ho kopana le ba toant'so ea lefu la tsoekere:

- Ngaka.
- Mooki ea koetliselits-oeng lefu la tsoekere.
- Ba phepo e nepahetseng.

Litlhare:

Mofuta oa pele. - insulin

Mofuta oa bobeli. - Sulphonylureas - lithethefatsi tse tsosang manyeme.

- Diamicon
- Glibenclamide
- Tolbulamide
- Chlopropamide

- Amaryl

BIGUANIDES - lithethefatsi tse etsang hore litho tsa 'mele li amohele insulin

- mettormin

MATHATA A LEFU LA TSOEKERE.

Haeba lefu la tsoekere le sa hlokomeloe hantle, e ka holofatsa:

- mahlo
- liphieo
- methapo
- maoto
- methapo e ba mehlo e eang pelong
- litho tsa botona kapa bot'sehali

Ha feela o laola lefu la tsoekere ka:

Ho koetla

Lijo tse hloekileng

Litlhare

Boitlhokomelo

Litlhahlobo tsa ngaka khafetsa

Tlhahlobo ea mahlo khafetsa.

O ka phela ha lelele oa bona le ha hoba le mathata.

Litemoso:-

Tsebisa ba toant'so ea lefu la tsoekere.

Koetla le motsalle

Tsamaea ka tsoekere mokotleng oa hao

Hlahloba tsoekere maling khafetsa

Se ke oa koetla haeba tsoekere e phahame hofeta > 14mm0l/11

Lula o hloekisitse maoto 'me a omme

Se roale lieta tse o tiisang

Roala sepetja sa lefu la tsoekere.

Tse tso'anelang ho etsoa

Ka 2LT Tlali Kamoli

U moetapele oa banna

Ho na joale u boemong ba taolo me e tsamaea 'moho le boikarabello bo boima. Ke monyetla hase tokelo. Lintlha-tataiso tsena li tla u thusa ho haha mabotho a hao hoba sehlopha se hlolang.

U tlameha

- Beha boiketlo le litaba-tabelo tsa mabotho a hau ka pele ho tsa hau; e ba moruti le ntate oa bona ea atamelehang ka mehla.
- Liketso tsa hao li hohele t'sepo ea bona.
- Ba ts'oare ka tieo empa ka genehelo, ba bolelle ha ba entse hantle.
- Kenya moea oa ntoa ka hare ho bona ka litaelo tse hlakileng le ka mohlala. Ba etse karolo ea sehlopha se hlolang.
- T'sepahalla mabotho a hau. Arolelana boima le bona.
- Kenya moea oa ts'epano ka hare ho bona, ba fe tlhahiso

leseling.

- Eba makhethe, sebelisa puo ka tsela e nang le keello.
- Tseba mosebetsi oa hau. Amohela ho supisoa liphoso.
- Ka holimo ho tsohle sheba banna ba hau e seng ka holimo ho uena.
- * Hopola hore ka hare ho khabo ea ntoa bophelo ba hau bo ka it'setleha ka bot'sephehi le boikoetliso ba mabotho a hau.

Tseo u sa tso'anelang ho li etsa

U moetapele oa banna

Ho fumana katleho ho na le lintho tseo u tsoanelang ho li qoba. Lit'supo-tataiso tsena li tla u thusa ho haha majoana a na a bohlokoa- mabotho a rona – hoba a bohlokoa-hlokoa mona Afrika.

Se ke oa:

- Iphetsetsa ho ba ka tlase ho uena ka seo baokameli ba hau ba kileng ba u etsa hampe ka sona.
- Hobosa, nyefola le ho otlala emong oa ba ka tlase ho uena kapa ho qophela ka mokhoa o senang khaotso ho emong.
- Oa tlontlolla emong ka pel'a bomphato oa hae.

- Sebelisa lebitso la morena hampe.
- Eteletsa maemo a hau pele, etella pele ka mehlala.
- Ba khoale-ntlhajana hobane u ke ke oa qhekella banna ba hau. Se ke be oa ba khella fats'e.
- Ikhothomosa le ho ithokisa keello ka sepheo sa ho pata mefokolo ea hau.
- Ba etsisa seo u ke keng oa se etsa.
- Etsa lits'episo tse ke keng tsa phethehala.
- Tlatsa mabarebare, ho bua litaba tsa batho le ho bua baokameli ba hau hampe ka pel'a mabotho a hau.
- Phenyaphenya litaelo tsa baokameli boteng ba mabotho a hau.
- Lebala mekhoe e metle.
- Ba ramenyetla le ho batla botumo ba mafelafelane.
- Tlolisa liphoso mahlo holimo – eba le toka le 'nete.
- Ts'oenyeha haholo ka baokameli ba hau empa ka lithahasello tsa banna ba hau.
- Bua ka mehlala feela – fana ka ona.
- Sheba liphoso tsa ba ka holimo ho uena empa shebana le ba ka tlase ho uena.

Mahao o toloka...

li tsoa qhepheng la 18

nahana hore o fa ba ka tlasa' bona matla a mangata. Ka 'ng'a e 'ngoe masole a boemo bo tlaase a ts'aba ho latela mokhoa oa litlitlebo 'me ba t'sosoa ka ona.

Private Linko Matsoho (ha se lebitso la hae hantle) ea sebetsang motebong oa sesole Makoanyane, ea sebetsang komponeng ea Charli Bathalioneng ea bobeli (C 112BN) o ne a hlahela ka pel'a lekhohla la sesole ka la leshome le metso e robeli 'Mesa 'me a qosoa ka ho ba sieo mosebetsing ntle le tumello.

"Ke ne ke be sieo mosebetsing ntle le tumello, matsatsi a leshome le metso e meli a latellanang. E ne ele T'sitoe (12) ka leshome le metso e robeli ho isa ka la mashome a mabeli a metso e robong (29) selemong sa kete peli (2000)", Matsoho a rialo.

Private Matsoo o itse kotlo ea hae e ne e be ho se lefshoe matsatsi a mashome a mabeli (20 days). A eketsa ka hore o ne a sa emelo ka 'muelli oa molao hobane qosoa ea hae e ne e se mpe haholo hoo a ka khonang ho ikemela.

"Ke ile ka khotsofatsoa ke kotlo eo, 'me ha kea ahloloe ka leeme", Private Matsoho a hlalosa joalo. "Ho latela boima ba likahlolo tse fanoang ke lekhohla la sesole, ho bohlokoa hore lekhohla la sesole le 'muelelli oa molao a tsebang mecha e lateloang ho ipapisitsoe le litlolo tsa molao", Muelelli oa Molao Moloantsoa Khasipe a rialo.

Akhente Khasipe a hlalosa hore a ka thaba haholo ha 'muelelli oa molao oa lekhohla la sesole e ka ba lesole ebile e le akhente.

"Boteng ba lekhohla la sesole ho mang kapa mang a ka khesang.

Ke khubu ea taolo le boit'soaro hore sesole se sebetse hantle", Akhente Khasipe a akhela molangoana.

Akhente Khasipe a bont'se hore khaello ea lekhohla la sesole ke ho etelloa pele ke batho ba sa tsebang letho ka molao. A eketsa ka hore le ha akhente e khethiloe litabeng tse amanang le litaba tsa molao le tsamaiso. T'sito ke hore motho eo o khethoa ho hlahla lefapheng la litsekisano sebakeng sa ho hlahla lefapheng la litlolo tsa molao.

"Lekhohla la sesole le lokela ho latela tsela ea ts'ebetso e ts'oanang hantle le e sebelisoang litlolong tsa molao", Akhente Khasipe a hlokomelisa.

Ofisiri ea tsa molao e ne thongoe ho eletsisa Ramabotho litabeng tsohle tse amanang le sesole le ho beha litloli tsa molao ka pela lekhohla la sesole esita le ho etsa mesebetsi e meng e ka fanoang ke Ramabotho. ■



MARA

Advertising Rates

Effective from June 1, 2001

Display Advertising

M 5.00 per column centimetre (one column wide by one column centimetre deep)

One quarter page (A4 size)	=	M 430.00	1st insertion
One half page (A4 size)	=	M 860.00	1st insertion
Three quarter page (A4 size)	=	M 1290.00	1st insertion
Full page (A4 size)	=	M 1700.00	1st insertion

Loose insertion advertisements

M 600.00 per insertion

Discounts

A frequency discounts of 5% will be granted for the second insertion of the same advert in the following issue. A flat discount rate of 15% will be granted for any advert inserted in three or more consecutive issues.

Commission

A standard 16.5% commission will be paid to a recognised Advertising Agency handling the insertion of display advertisements.

Personal Information Advertising

M1 .00 per word minimum of six words.

Subscriptions

ENQUIRIES:

Tel: +266 326 080 Fax: +266 310 351
Postal Address: P. O. Box 54, Maseru 100, Lesotho

SUBSCRIPTIONS RATES

	3 Issues	6 Issues
Schools	M 7.00	M 15.00
Lesotho	M 8.00	M 16.00
South Africa	M 10.00	M 17.00
Southern Africa	M 12.00	M 20.00

Please send me copies of Mara (tick the appropriate box)

3 Issues

6 Issues

I enclosed a (cheque/cash/money order) of M _____

Full address both physical and postal:

Physical

Postal

N.B., when ordering, verify your organisation by office stamp.

MARA comes out only every two months.


Get your
business seen
and heard.

It pays to advertise with
MARA

For further information,
please contact us at

Tel: 32 6080

Fax: 31 0351


**The Editor
MARA
P. O. Box 54,
Maseru 100, Lesotho**



KINGDOM OF LESOTHO

Invitation for Bids

Date: August 31, 2001

IFB No: EFUIDA 0168

Education Sector Development Project II

Supply and Delivery of Hostel Furniture to National Teachers Training College

Credit No. LSO3192

1. This invitation for bids follows the General Procurement Notice for this project that appeared in *Development Business*, issue No. 510 of 16 May 1999 and updated in issue 553 of 28th February 2001.
2. The Government of Lesotho has received a credit from the International Development Association (IDA) of the "World Bank" toward the cost of *Education Sector Development Project II*, and it intends to apply part of the proceeds of this credit to payments under the contract for *Supply and Delivery of Hostels Furniture*.
3. The Principal Secretary for Education now invites sealed bids for eligible bidders for *The Supply and Delivery of Hostels Furniture to the National Teacher Training College now known as Lesotho College of Education* of the following:

LOT 1

ITEM	QTY
Single Beds	392
Mattress	392
Stacking-Chairs	392
Waste Paper Bin	392
Bedside Mats	392
Mobile Locker	392
Mirrors	896

LOT 2

ITEM	QTY
Curtains: Size: (W) 1022mm x (H) 1245mm	352
Size: (W) 0533mm x (H) 1245mm	120
Curtains: Window A Size: (W) 1022mm x (H) 1260mm	174
Window E Size: (W) 0533mm x (H) 0965mm	184
Window G Size: (W) 0533mm x (H) 1260mm	6
Window H Size: (W) 1022mm x (H) 0965mm	120
Curtains: Window 1 Size: (W) 0750mm x (H) 1875mm	60
Window 2 Size: (W) 0750mm x (H) 1250mm	60
Window 3 Size: (W) 1065mm x (H) 1930mm	160

cont. on pg28

Window 4	Size: (W)	0800mm x (H) 2225mm	40
Window 5	Size: (W)	1950mm x (H) 1815mm	12
Window 6	Size: (W)	0700mm x (H) 1835mm	6
Curtains: Shower	Size: (W)	1500mm x (H) 2000mm	78

4. Bidders might bid for one or both lots provided they quote for all items and quantities in the lot. Bid evaluation will be on per lot basis or combination of the lots; whichever is economically most advantageous to the Purchaser. In case no bidder bids for all items in any lot, contracts for that lot may be awarded on an item-by-item basis. Bidders must submit satisfactory evidence of capability including experience of supply of similar items to other institutions.
5. Bidding will be conducted through the international competitive bidding procedures specified in the World Bank's *Guidelines: Procurement under IBRD Loans and IDA Credits*, and is open to all bidders from eligible source countries as defined in the Guidelines.
6. Interested eligible bidders may obtain further information from the Senior Procurement Officer, *Education Facilities Unit* and inspect the bidding documents at the address given below:

Education Facilities Unit

P.O. Box 1279
Maseru – 100
Kingdom of Lesotho
Situated on Site 130, Fokothi
Off Moshoeshoe Road, Maseru, Lesotho
Tel: ++266 – 317130
Fax: ++266 – 310307
E-Mail: efu@education.gov.ls
From 8.00 to 14.30hrs

7. A complete set of bidding documents in *English* may be purchased by interested bidders on the submission of a written application to the address below and upon payment of a non-refundable fee of *Three hundred Maloti (M300.00) or in Sixty US dollars (\$60.00)*. **The method of payment will be Cash payable at the Ministry of Education Accounts Department or Bank Guaranteed cheque.** The document will be sent by courier for those who cannot come to collect them.
8. Bids must be delivered to the address below at or before **October 16, 2001, at 14.15 hrs.** All bids must be accompanied by a bid security of *not less than two percent (2%) of the bid price.* Late bids will be rejected. Bids will be opened in the presence of the bidders' representatives who choose to attend at the address below:

The Secretary
Central Tender Board
Ministry of Finance
P.O. Box 395
High Court Road
Situated at Third Floor
Government Offices Complex Phase III
Off Kingsway Maseru – 100
Kingdom of Lesotho

On or before 14.15hrs on Tuesday October 16, 2001.

Secretary for Central Tender Board



**KOMISI E IKEMETSENG
EA LIKHETHO
(IEC)**



NGOLISO EA BAKHETHI

**KOMISI E IKEMETSENG EA LIKHETHO E NA LE BOIKARABELO
BA HO TLISA LIKHETHO TSE ANANELOANG, TSE
LOKOLOHILENG, TSE LEKA-LEKANANG, TSE BONALETSAANG
'ME TSE Fihlelehang ho sechaba sa Basotho.**

**HOPOLA HO
NGOLISA**

**U BE LE MONYETLA OA HO
KHETHA
KENYA LETSOHO NTLAFATSONG
EA PUSO EA
SECHABA KA SECHABA**

MATSATSI A NGOLISO:

**13 PHATO
HO EA
30 LOETSE 2001**

1862



2001


Morija Sesuto Book Depot

P.O. Box 4 - Morija 190

Telephone: 360 204

Retail Shops Tel/Fax

- Maseru (09266) 323783
- Mafeteng 700769
- Leribe 400268



MOSHOESHOE I

Phororo ea Qiloane haufi le Molimo Nthuse

U se ke ua ba paki feela ho loantša oa heno;
U ka thetsa joang ka memolo ea hao?

U se ke ua re: joalo ka ha a nkentse le
'na ke tla moo etsa joalo; ke tla busetsa
ho e mong le e mong ka mesebetsi ea hae.

Liprov. 24:28-29



EUGÈNE CASALIS

Project Implementation and Management

Aim

To train participants in competencies and skills in the management of projects so that they are able to plan, appraise, effectively implement and control their performance by monitoring and evaluation.

Objectives

At the end of the course participants will be able to:

- Plan the project
- Appraise the project
- Effectively implement the project
- Manage the performance of the project.

Content

- The Macro-Economic Context of Development Planning
- The Plan Preparation of a Project
- Technical planning of the Project
- Budgeting and Cash Flow preparation
- Qualitative and Quantitative Indicators of Project's Worth
- Market Structure and Consumer Analysis
- Human Resource Management
- Financial Resource Management
- Infrastructure Resource Management
- Project Performance Monitoring Skills
- Project Ex Post Evaluation Techniques
- Computer Applications in Project Management

Target

Project managers and administrators, project officers, heads of operations/departments in all sectors of the economy, regional and district development bodies.

Requirements

Should be a practicing project manager or planner or experienced administrator from government, parastatal or private sector.

Evaluation

Assessment of the extent to which each participant can apply the acquired skills to a life situation project of her/his choice to be presented on the Closing date.

A certificate of successful completion will be awarded.

Duration

Eight weeks

Code	Country	From – Until
PIM-02	Lesotho	17 Sept – 09 Nov. 2001

REGIONAL OFFICE

P.O.BOX 60167
GABORONE, BOTSWANA
Telephone: 306433
Fax: 313423

COUNTRY OFFICE

P.O.BOX 1357
GABORONE, BOTSWANA
Telephone: 313296
Fax: 313296
E-Mail: IDM@INFOR.BW
Home Page:
<http://www.info.bw/~idm>

P.O.BOX 1318,
MASERU, LESOTHO,
Telephone: 312868
Fax: 310084
E-mail: idmies@lesoff.co.za

P.O.BOX 1534, MBABANE, SWAZILAND, Telephone: 20731/2 Fax: 20733

**Fabrics of all forms for your
select choice**

**Tevira Grepe Serge Carducci Hornstooth Barathea
100%Wool Pool/Snooker cloth Flannel**

TRADORETTE CENRE NO 19, ABOVE "SOMETHING FISHY"

COME MEASURE SUITS & SKIRTS

WHAT is EBAS?

A scheme that

- Is funded by the ACP group and the European Commission designed to enhance the competitiveness of private sector enterprises in ACP countries.
- Provides grants of 50% towards the cost of expertise needed.
- Provides up to a maximum of EURO 70,000 per applicant.
- Aims at activating demand for, and supply of, specialised consultancy services.
- Also providing free advice on technical business matters to enterprises, by EBAS Regional Offices.
- Consultancy services shall be rapidly deliverable and practical, requiring no capital expenditure and resulting in short term benefits to the enterprise.

HOW does it work?

- EBAS works through a network controlled by a Brussels Office (the PMU), and four EBAS Regional Offices.
- EBAS is designed to provide, in the form of a grant, 50% of the costs of accessing business development services.
- EBAS will meet a maximum of 50%.
- The applicant must pay not less than one third of the total cost.
- The balance may be funded through other grants.
- Payment will be made progressively on the basis of documentary evidence of expenditure, during the life of the programme and according to agreed audit procedures.

WHO qualifies?

- All private enterprises in ACP countries and more particularly SME's in manufacturing and service enterprises.
- Intermediary organisations of ACP countries such as Chambers of Commerce and Producers Associations.
- Local providers of specialised business services, such as consultancy companies.

WHO does not qualify?

- Parastatal and government entities where the State holds a majority share interest.
- Associations fully funded through government or sources other than their members.

HOW do potential beneficiaries apply?

- The PMU Brussels Office, Website,, business associations and Relay points.
- The website: www.ebas.org
- Four EBAS Regional Offices:
 - Nairobi (Kenya) - Eastern Africa and Indian Ocean.
 - Abidjan (Cote d'Ivoire) - West and Central Africa.
 - Gaborone (Botswana) - Southern Africa.
 - Bridgetown (Barbados) - Caribbean.
- The Brussels Office covers the Pacific region.
- Enterprises fill out an APPLICATION FORM providing company details and describing services to be supported by an EBAS grant as well as expected outputs benefits.
- Applications will be approved by the ACP Group and the European Commission.

WHEN will the applicant receive an answer?

- Quick responding mechanism, thanks to an interactive website and Virtual Office on the Internet.
- 12 working days, maximum, for applications to be approved.
- Enterprises and Associations whose enterprises are turned down may appeal to an independent committee for a review.

WHICH kind of services can help you to improve your competitiveness?

Business Development Services are those provided by specialists in fields such as:

- Marketing and Sales (including e-commerce).
- Development of Export.
- Production.
- Procurement and Logistics.
- Quality Control and Norms.
- Environmental aspects and Compliance with import countries' regulation.
- Warehousing and packaging.

And in association with any of the above:

- Human Resource Development and Training.
- IT and communication.

Project Management Unit Head Office


110 Bd Auguste Reyers B-1030 Brussels Belgium

Tel: 0032.2.740.02.40 Fax: 0032.2740.02.49

E-mail: ebas@ebas.org



EU/ACP BUSINESS ASSISTANCE SCHEME



Lesotho le nka karolo boikoetlisong ba poloko ea khotso Tanzania

Lesotho le memiloe ho ea kenya letsoho boikoetlisong ba poloko ea khotso bo tla ts'oareloa Tanzania ka Hlakola, 2002. Linaha tse ling tsa Mokhatlo oa khokahanyo ea moruo Afrika e ka boroa (SADC) li tla ba teng le tsona boikoetlisong bona bo bitsoang "Ex-Tanzanite 2002 Recamp-3.

Ex-Tanzanite e kenyeletsa seboka se holima lipolotiki le sesole se ileng sa keneloa ke ba-ofisiri ba boemong bo holimo ho tsoa linaheng tse tla nts'a mabotho esita le linaha tsa bafani. Seboka sena se ile sa e-ba ka la 9-11 Mots'eanong 2001 Sir-E-Leone, Tanzania. Sepheo sa seboka e ne ele ho beha liofisiri tseo leseling ka sepheo sa boikoetliso, tse tla fihlelela le ts'obotsi ea boikoetliso boo.

Lesotho le tla kenya letsoho boikoetlisong bona ka leboho le le leng le liofisiri tse

meralo ea mantlha e ileng ea eba ka la 14 - 18 Mots'eanong, 2001, Dar-Er Leone, Tanzania. Sepheo sa kopano e ne ele ho etsa moralo oa boikoetliso, palo ea mabotho a tla nka karolo,

liofisiri tse peli (2) ho tsoa linaheng tsohle tsa SADC. Lesotho le ne le emetsoe ke Colonel Phatoli Lekanyane le Major Tjotjela Polisa. Ex-Tanzanite e tla kenyeletsa boikoetliso ho tsa bolaoli le mahlale a ts'ebetso ea



Masole a poloko ea khotso a Lesotho



Kamora lintoa tse bakileng ts'enyō le masisapelo, linaha tsa Afrika li setse morao leano la poloko ea khotso. Sets'onts'o ka:- Pte A. R. Mathaba

'ne (4) tseo e tla ba karolo ea bolaoli boikoetlisong boo. Liofisiri tse boemong ba bolaoli li tla ba le monyetla oa ho sebetsa ka kopanelo le balaoli ba mabotho a linaha tse ling.

Seboka se holima lipolotiki le sesole se ile sa lateloa ke sa kopano e holima

palo ea liofisiri, tse tla ba bolaoling ba bona. E ne e boetse e le ho ea shebisana li litaba tse amang ts'ebeliso le sebaka se hloaetsoeng boikoetliso boo.

Kopano ena ea meralo ea mantlha e ne e kenetsoe ke

mabotho moo liofisiri ho tsoa mabothong a fapaneng ho tla nka karolo ka boemo ba tsona joaloka balaoli ka lehlakoreng le leng.

Kantle ho linaha tse 14 tsa SADC, Kenya le Madacasca le tsona li memiloe ho ea ba teng boikoetlisong bona. Boikoetliso bona ba poloko ea khotso bo ts'ehelitsoe ke 'muso oa France ka kopanelo le linaha tse ling tse 25 tsa bafani ho tsoa Europo le likarolong tse ling tsa lefats'e. Mekhatlo ea machaba le mekhatlo eo e seng ea 'muso le eona e bont'sitse thahasello e kholo boikoetlisong bona.

Boikoetliso bona ke karolo ea mehato e reretsoeng ho thusa linaha tsa Afrika hore li be malala-a-laotsoe le hoba le mekhoha eohle e hlokehang ho nka karolo mats'olong a poloko ea khotso Africa eohle. Sena ke morero oa naha ea France oa ho ts'ehetsa bokhoni ba Ma-Africa litabeng tsa poloko ea khotso.

sheba qhephe la 34

Boikoetliso bona bo reretsoe ho pepesa bokhoni ba linaha tsa SADC ba ho sebelisa mpho ea leboho ho phetha ts'ebetso tse latelang:

- Poloko ea khotso ka kopanelo le mekhatlo ka morao ho ts'ebetso ea linaha.
- T'sireletso ea baahi ka ho khetheha baphaphathehi ba tlohileng mahae a bona le lithuso ho batho.
- EX- Tanzanite e raliloe boemong ba mpho ea leboho le ts'ehelisoeng ke sesole sa metsing le sa moeeng. Sepheo sa mantlha le se tla fihleloa ka boikoetliso boo ke ho rolelana malebela mat'solong a khotso.

Linaha tse tla kenya letsoho ka thomello ea mabotho boikoetlisong bona li tla una melemo ena:

- Matlafatso ea t'sireletso 'moho ho tsa poloko ea khotso tikolohong ena.
- Ho pepesa maikemisetso a tsona a sepolotiki a ho kenya letsoho mehatong ea poloko ea khotso machabeng le
- Matlafatso ea maqhama a setsoalle lipakeng tsa linaha tse tikolohong ena.
- Ntlafatso ea litsebo boemong bo pharalletseng ba mehato ea poloko ea khotso lichabeng.
- Ho theha le bolebelli polokong ea khotso moo ho kopanetsoeng ts'ebetso ke linaha tse ngata tsa lefaats'e.
- Ho ba le seabo ho raloeng le kahong ea bolaoli ho tsa poloko ea khotso.
- Matlafatso ea bokhoni ba mabotho a hlometseng ts'ebetsong e kopanetsoeng ka har'a linaha tsa SADC.
- Ho hlahloba bokhoni ba mabotho a hlometseng mat'solong a ho sireletsa libaka tse hloaueang.

**BABALI BA MARA
RENGOLLENG LE RE FE
MAIKUTLO A LONA KA
LITABA TSE HLAHANG
KORANTENG ENA
EA RONA**

Kutloisiso ea ka, ka eo e leng lesole



Ka
Rapele Mphaki

Ha se motho ea qhaqhaselang ke letsoalo

Kapa ea se nang boikarabelo, ha ltherele ho tsoa taolong kapa hona

Ho its'oara hampe. Ke motho ea Ratang ho lula a ntse a le tlasa taolo

Ekasita le ho hlomphe molao. Hoo

A ho behang kapele-pele ke ho se

Ts'ose baokameli kapa baokameluoa.

O botsa potso ele hona ho batla Tlhakisetsa litaelong, ebe litaba tsa

Ts'ebetso li etsahala ho se mang Kapa mang ea ka qosoang.

Ha a apere liaparo tsa ts'ebetso Ha a bonoe a ntse a ea holimo Le tlase a bile a sunana le likharebe

Litseleng ekasita le libakeng tseo Sechaba se fumanehang ka moka.

Taba ea mantlha; ha a filoe mosebetsi

Ho nahana kapele, boitelo, bots'epehi

Le lerato la naha ke lintho tsa bohlokoa

E sere bophelo ba hae ba ba kotsing.

Nako le nako o lutse a le tlhorong Ho e la hloko ekasita le ho thibela Mesebetsi e mebe ea sera sa Naha ea habo hobane litaba tsa Ts'ireletso li lutse li le teng kelellong Ea hae.

Ha a rarolla bothata; ha a etse Qeto ntle le hore kahlolo ea hae Litabeng a e behe ho tloha Bongateng ho isa bonngoenng.

Haeba ho na le likhohlano Lipakeng tsa mahlakore a sa Utloaneng, joaloka mohale, O kena lipakeng ka sebete Empa e seng ka ho etsa merusu Hobane morusu ha o tlise khotso Le botsitso.

Ha a hloke hoba le hlooho e Khoho ho nahana ka bohlokoa Ba boteng ba hae, ba basebetsi 'moho Le ba sechaba sa habo.

Ho tebisa maikutlo linthong Le ho ipotsa lipotso ka se etsang Lintho hore ebe lintho lefatseng Ke seikokotlelo sa hae.

Metsamao e sa tloaelehang e etsa Hore a lule a belaela ka linako tsohle.

Ka holimo ho tsohle boits'oaro bo Botle ke bona bo etsang lesole hore E be lesole la 'nete. ■

**"KE A
TSOTELLA
- UENA?"**



Cartoons

by:
WILL M. P. SEKOBOTO

Mohlophisi

Ke tsebile morero oa sesole oa hoba le leselinyane 'me ke ne ke sa rate maikutlo ao. Lebaka la ka e ne e le hore litaba tsa masole ke sa sechaba 'me li lokela ho kenngoa hara litaba tse ling tsa sechaba. Tumelo ea ka e ne e le hroe li-ea-le-moea le likoranta tse teng ke tsona tse ka sebelisoang ho tsebisa sechaba litaba tsa sesole. Leha ke sa lahla tumelo ea ka tabeng ena ke na le maikutlo a na ao ke a behang ho bolaoli ba sesole le bohlophisi ba leselinyane lena.



Ekaba hantle hore ho be teng seratsoana leselinyaneng lena leo babali, Basotho ba ka buang le molaoli oa mabotho phatla-nchocho, ba, ba 'motsa lipotso a li araba, ba mo fa maikutlo, a hana kappa aa lumela. Mohlala, batho ba Ha-Ntsi mana Machache ba ka rata ho botsa Mookameli oa Sesole hore na ebe ke hobaneng ha ka khoeli ea Pherekhong monongoaha sesole se ile sa sitoa ho inola motho ea neng a nyametse balibeng moo motseng ka le reng sehlopha se neng se etsa tsebetso eo se ne se qhaloe empa man lipontsong tsa temo teng ho bontsitoe masole a ntsa a etsa mosebetsi oo oa bopholosi le ho inola batho likoetseng. Hantle-ntle hona ke mohlalanyana feela empa 'nete ke hore hona le litaba tseo basotho ba belaelang ka tsona, tse ling ba batla leseli, tse ling ke likhothaletso empa li sitoa ho fihla. Na ebe leselinyane lee MARA le ke ke la sebelisoa ho li otlolla?

Mohlomphehi,

Re lebohile ka litaba tsa hao tse hlahang kaholimo 'me re thabela tlatsitso ea hao ho holisa Mara. Ke mpe ke supe hore le joale LDF e liehile ho qala leselinyana la eona ho latela hore na ke sesole sa neng 'me se nang le nalane e joang. Ke mpe ke u hlokomelise hore linaha tse ngata tsa lefats'e sesole sa tsona se na le likoranta ka sepheo sa ho hasa litaba tsa sona le ho bopa ts'ebeliso mmoho le kutloisisano lipakeng tsa mabotho a tsona le sechaba. Ha ke mpe ke u hopotse hore khale sesole sa Afrika Boroa le sa Botswana li e na le maselinyana a tsona ka sepheo seo ke seng ke se boletse. Ha e le litaba tse etsahetseng Ha ntsi, Mara ha e li tsebe. Lintho tse bontsitsoeng pontsong ea temo Maseru ke sesole e ne empa e le liponts'uoa tsa lintho tseo sesole se ikhlaelletsang ho se etsa.

Mohlophisi .

PROFESSIONAL SOLDIERS DO CARE FOR WOUNDED OR SICK ENEMY SOLDIERS, THEY CAN NO LONGER FIGHT. THEY SHOULD BE GIVEN TREATMENT AND PROTECTION AS IF THEY ARE SOLDIERS OF THEIR OWN ARMY!!!



Basali ba Basotho ka Fetola T'sobotsi ea Lipolotiki.

Basali ba basotho ba na le tokelo le boikarabelo ba ho kena leho fetola tsela ea lipolotiki mona Lesotho.

Basali ba Basotho ba na le tokelo le boikarabelo ba ho kena le hona ho fetola tsela ea lipolotiki mona Lesotho. Naha ea Lesotho e ile ea khutlela pusong ea sechaba ea sechaba ka 1993, empa ka masoabi ka lilemo tseo tse robeli ho fihlela joale ha ho basali ba hlahelletseng ka mahetla lipolotiking.

Ntlha ena e utloisa bohloko haholo ha ele mona basali ba etsa palo e kholo ea sechaba hakana. Kantle ho ho t'soenyeha ha mekhatlo le tikoloho ka tlhookahalo ea basali maamong a t'susumetso le ho nkeng liqeto, ho fumaneha Lesotho le sena meralo e tsepameng ea ho tlisa maemo ao tlaasa taolo.

Kantle le hore baetapele ba linaha tsa Khokahanyo ea Moruo Afrika e ka Boroa (SADC) ba bile sehlahlo hoka etsa likhohatso tsa hore ka selemo sa 2005 linaha tsohle tseo e leng litho li tlameha hore 30% ea basali ea be ele maamong a t'susumetso lipolotiking le ho nkeng liqeto, ha re bone mehato e khotshang e isang phethahatsong eaboitlamo boo. Boteng ba basali lipolotiking bo utloahala feela mat'solong a boiketo moo seabo sa bona e leng ho thoholetsa, ho luluetsa le hona ho t'sehetsa baetapele ba banna ka matla.

Ke lumela hore ke ka t'sehetso le matlafatso basali ba ka fetolang t'sobotsi ena ea phehisano karolelanong ea matla. Mokhoa oa lipolotiki tsa Lesotho oa joale o lokela ho fetoloa hang-hang. Re hloka kapele-pele ho bona basali ba fuoa maemo a loketseng pusong e le ho tlisa phetoho lipolotiking tsena tsa pherekano.

Banna ba bile le kabelo pusong ba le inot'si, 'me ke na le khopolo ea hore ke nako joale ea ho fana ka



Ka Keiso Matashane-Marite

sebaka ho basali hore ba bont'se bokhoni ba bona. Re ka lebellang eng ha basali ba ikakhela ka setotsoana mabaleng a lipolotiki? Litulong tsa matla a puso basali ba ka tla ka mehopolo e ka susumetsang liqeto tse ahang ka tlung ea bakhethoa. Ka hobane ba boetse ba etsa karolo e kholo ea mafutsana ba tla nka karolo ka lipalo tse kholo ha ho etsoa meralo ea ntlafatso ea moruo le karolelano le kabo ea 'ona.

Ke sa mantlha hore litlhoko tsa basali le laitabatabelo li fapane 'me ka hona seo se fa basali tokelo ea ho ipuella ha ho tsohloa litaba tse ba amang. Na see ha se hona hore ke hantle ha litaba li tsoa melomong ea beng ba tsona? Ho khethela basali ka ntlong ea bakhethoa ho ka netefatsa hore ba tle ba buelle likarolo tsa molao tse ba amang ba ipapisitse le boiphihlelo ba bona lintlheng tseo. Lintlha tse kang peto, litlhokofatso tseo ba li etsetsoang malapeng, phepo, ho pepa le tlhokomelo ea masea ba ka li buella ka matla ha ho phehisanoa ka tsona.

Ho boetse ho na le melemo e mengata eo basali ba ka imonang monoana ka eona lipolotiking;

-Basali ba tla fetola maemo a lipolotiki tse eang ka maemo a batho, likhopolo le hona ho sesefatsa mokhoa oa tsitsipano le ho hloka moelelo. Basali ba tla tlisa mafolofolo le tloaelo ea ho ipopa ngatana-ngoe mehatong ea ntlafatso. Ba tla teka litlahiso le ho bont'sa litsebo pusong moruo le kabo ea ona.

Ha rena ho tlisa tsebo eo re e fumaneng thutong empa e tla ba seo e leng 'moko oa seo re se phelang. Kabo ea litlahisoa le ho beha tsa mantlha kapele-pele ho ka ithutoa le linthong tse fokolang. Seabo sa rona joalo ka bahlokomeli le batsoali ho re fa tlhalefo e ikhethang. Ke hobane ho oka ba kulang, maqheku le batho ba hloakang tlhokomelo e ikhethang ke boikarabelo ba rona. Joalo ka bo ralipolitiki lentsoe la rona e kaba le utlhalang ruri maanong a tekatekano, boiketlo ba sechaba, toka le bophelo bo botle.

Lesotho le tla rua molemo ka ho ba le basali ba bangata maamong a t'susumetso joaloka linaheng tsa Denmark le Sweden moo litaba tse amang toka le boiketlo ba sechaba e leng tsona tse ka sehlohong meralong ea mebuso.

Ntlha e thahasellisang ruri e ka bang thuto ea bohlokoa Lesotho le linaheng tsohle tsa Afrika ke hore ha basali ba le bangata matleng a t'susumetso, bofuma bo a fokotseha le maemo a ho se lekalekane ha moruo ha moruo linaheng tse joalo. Lipolotiki ke sethala seo re nang le ts'epo e kholo ea ho tlisa lipheto ho tse kholo. Lipolotiki li re fa matla a ho tlisa lipheto ho.

Ke nako joale ea hore basali ba tlise lipheto ho lipolotiking ka mehopolo ea tlhokomelo le kholiso. Kantle le hore boiphihlelo ba basali, chebelo pele le tsebo ea bona ka lefats'e li nkeloe lihloohong tsoelapeleng re liehisa leeto la rona la ho tsoa bofumeng. ■

David Frank Atkinson (Dave) o hiroa lifofaneng tsa sesole.

Ka Lieutenant Colonel Sam Makoro


Lefapha la bofofisi le sesole sa Lesotho le hirile mofofisi e mocha ec bitsoang David Frank Atkinson ea tsoang Zimbabwe. Khirone ea monna e noa e latela lefu la t'sohanyetso la Captain Makhangoa T'sosane le ho beha meja faat'se ha Major Thaane.

Ka morao ho tahlehelo ena, LDF e ile ea fumana e tlamaha ho batla mofofisi ea ka fofisang lifofane tsa li "Bell 412" hang hang ho ena le ho koetlisa bocha motho eo ho tla nka nako e telele ho fihlela maemo a hlokalang.

Hoba a qete sekolong, Atkinson o ile a kena sesoleng sa moeeng sa Afrika Boroa, 'me a ithuta ho fofisa sefofane sa Impala. O ile a fumana lengola la hae la bofofisi ka Pulungoane 1973. Takatso ea hae e khole ene ele ho fofisa liroala nkhoana, ele ho fumana tsebo e pharalletseng. O ile a tlohela ho fofisa li Jet a fofisa Cessna 185. Kapele-pele o ile a nyolla lihora tsa hae tsa ho fofa, 'me ka Phuptjane 1974, a qala ho fofisa seroala-nkhoana sa "Aloutte III".

Sesoleng sa moeeng sa Afrika Boroa o ile a fofisa liroala-nkhoana tse kang Alloute, Puma le Super Frelon, 'me a fofa lihora tse 7,600. Ka 1987 o ile a ea Dunmottter ho ithutela ho koetlisa bafofisi. O ile a fetola maa kaha kamorao ho qeta thupelo eo e ile ea eba mokoetlisi sefofaneng sa Cessna 185, 'me kamorao moo a tsoela-pele ka seroala-nkhoana sa Aloutte III.

Dave o ile a tsoa sesoleng sa moeeng sa Afrika Boroa ka 1993 kamora lilemō tse mashome a



David Frank Atkinson (Dave)

O ile a fetola maa kamorao ho qeta thupelo eo, e ile ea eba mokoetlisi sefofaneng sa Cessna 185, 'me kamora moo a tsoela pele ka seroala-nkhoana sa Alloutte III.

mabeli tsa t'sebetso. Ka Phato 1994 a kena sesoleng sa moeeng sa Zimbabwe.

Sesoleng sa moeeng sa Zimbabwe e ile ea eba molaoli sekolong sa bofofisi ba liroala-nkhoana, o bile a thusana haholo lifofaneng tsa "Aloutte" le "Agusta Bell 412".

Ha a ntse a le sesoleng sa Zimbabwe o ile a nka karolo qakeng ea naha ea DRC, a fofisa Aloutte le Agusta Bell 412.

Ka Mesa selemong sona sena o ile a itokolla sesoleng sa Zimbabwe, 'me ha joale ke mofofisi sesoleng sa Lesotho, o fofisa Bell 412. O tobane le phephetso ea ho fofisa liroala-nkhoa matsarankeng a lithaba tse phahameng tsa Lesotho.

O hlahetse Ladysmith (Kwazulu Natal) ka la 26 T'sitoe 1953, moo a lutseng ho fihlela a ngola sehlopha sa "Matric" ka 1971. O hlahlana banana ba babeli le moshanyana a le mong. Dave o ile a nyala Jenny ka 1979, 'me ba sitsoa ka bana ba babeli bao ka bobeli ba sebetsang Johannesburg ho la Afrika Boroa.

Ka nako eo a phomotseng o rata ho bala le ho sebetsana le Computer, empa sena se tla fetoha kaha tloaelo e ncha e tla ba ho tsamaea ka hare ho naha ea Lesotho le ho phomola libakeng tse ka maloting. ■

**"KE A
TSOTELLA -
UENA?"**

LIPAPALI

LDF FC e Hapa Sejana Lekhetlo la Boraro.

Ka Pte Sakeng Lekola

Sehlopha sa bolo ea maoto sa sesole sa Lesotho LDF FC, se ile sa iphumanela chelete e kaalo ka M13,00,00 litlholisanong tsa mohope oa Castle tsa lihlopha tse 'ne tse ka holimo. Tlholisano e

ne e ts'oaretsoe lebaleng la lipapali la Setsotsoto ka la 1 le 2 Loetse monongoha.

Sehlopha sa Linare se ile sa hlaha bobeling 'me sa iphumanela

eona ea shashara Masheshena 3-1. Letsatsing le hlahlamang LDF FC e ile ea t'sireletsa sekola lekhetlo la boraro ka tlhahlamano ka ho shashara Linare 1-0. Ntlha ea LDF e ile ea kena ka 'mapala pele Majara "Oa



STANDING (LEFT TO RIGHT); Lefa Mashaka, Makhetha Kolisang, Lebohang Malise, Tau Lerotholi, Khoanyane Mputa, Eric Makara, Majara Masupha, Maliele Lesoetsa, Lire Phiri

SQUATING (LEFT TO RIGHT); Motlalepula Sepipi, Teboho Motaba, Ts'epo Keketsi, Motheo Mohapi (Assistant Coach), Thulo Ranchob, Malefetsane Pheko, Donny Nthakha (Captain).

Moreneng Motho" Masupha karolong ea pele ea papali.

Linare, tse tala, li ile tsa loana sa litau tse maqeba ho lekanya lintlha empa katleho ea e ba sieo.

Sehlopha sa LDF se ile sa khethoa e le sona se ipabotseng ka boit'soaro 'me sa putsoa ka M11,000,00. Kabelo Mosothoana oa Linare le Majara Masupha, ba ile ba arola ka ho lekana M1,000,00 e al bahlaba lintlha ba ka sehlohong. Lethala Leboela oa Linare le eena o ile a putsoa ka M1,000,00 ea ho



Mohlaba lintlha ea hloahloa oa LDF FC. Majara Masupha, o bonoa mona a tsekisana bolo le mobapala morao oa Linare FC lebaleng la Setsotsoto litlholisanong tsa Castle Cup. LDF e ile ea tlhola Linare 1 - 0 ho ikhapela maemo a pele.

M11,000,00, LPS FC ea fumana M9,000,00 'me e hlahile borarong, haele Matlama eona ea ikela ka M7,000,00.

Letsatssi la pele la litlholisano sehlopha sa LDF se ile sa hlola Matlama FC "tse putsoa" 2-0 'me sa atleha ho f e t e l a litlholisanong tsa ba hlotseng, haele Linare FC

ba sethibathibane se hloahloa.

Motlatsi oa motsamaisi oa lipapali LDF Major Melato Lehloka o boletse hore o motlotlo ka tsebetse ea sehlopha sa habo. "Sejane sena re se nketse ruri hobane ke lekhetlo la boraro re se hapa re khefutse," Majoro o buile sena ka pososelo.

Tlholisano ena ene e tselitsoe ke liratholi tsa mothamahane tsa Lesotho (LBC) ka chelete e kaalo ka 160,000,00 'me sehlopha se ithlommeng pele eleng sa LDF se ile sa putsoa ka M13,000,00, M5,000,00 ea ho hlaba lintlha tse ngata le M5,000,00 ea ho se hlajoe lintlha. ■

Visit us at Maseru Sun Entrance

we open from 8.00 a.m. till 23.00 p.m.

Monday - Sunday



SERVICES

- Internet
- Telephone
- Faxing
- Photocopying
- Secretarial Services
- Logo Designing
- Used and new Computer Sales
- Audio Visual Equipment



P. O. BOX 10688

Maseru

Lesotho

We are located at
Maseru Sun Entrance

Phone: 326810

Fax : 326810

Email:

Motebang@ilesotho.com

INTERNET
PUBLIC
TELEPHONES
FAXING
PHOTO-
COPYING
TYPING
COMPUTER
SALES AND
MAINTENANCE

Tel: 854108 or
326810

Independent Electoral Commission



P. O. Box 12698, Maseru 100, Lesotho Telephone: +266 314991 Fax: +266 310398

Polelo ea Chebelo-Pele ea IEC

Re le komise e Ikemetseng ea Lesotho, re na le boikarabello ho tliša likhetho tse ananeloang tse lokolohileng, tse leka-lekanang, tse bonaletsang 'me tse fihlelehang ho sechaba sa Basotho.

Ho fihlela tsena tšebetsong ea rona re boulela boikitlaetso boithutong le katlehong ea tšebetso ea sepame, 'me re lumela hō phapayetsano le neheletsano e chatsi ea litaba le maikutlo.

Likamanong le ba ba bang re boulela tlatsetso le tšebetso tsa 'nete ho tsoa ho ba amehang. Boikarabello ho bohle ba amehang likhethong.

The IEC Mission Statement

At the IEC of Lesotho, we responsibly deliver acceptable, free, fair, transparent and accessible elections to the Basotho nation.

To achieve this, we consciously and continuously improve and learn to improve our effective teamwork and performance by using effective communication strategies and participatory approaches.

In all these, we earnestly enlist the honest support of, and are fully accountable to, all stakeholders in the Lesotho elections.